
—বেণী রায়।—

৩১ নং বোবাজার ষ্ট্রট, কলিকাতা,

কুস্তলীন প্রেসে

শ্রীপূর্ণচন্দ্র দাস কর্তৃক মুদ্রিত

৩

২০১নং কর্ণওয়ালিস ষ্ট্রট, কলিকাতা

হইতে গুরুদাস চট্টোপাধ্যায়

কর্তৃক প্রকাশিত।

ভূমিকা ।

বেণী রাষ্য রাজা দেবীদাসের সমসাময়িক । গৌড়-
বাদশাহ দাউদ শাহের সময়ে বরেন্দ্রভূমিতে তাঁহার প্রবল প্রতাপ
ছিল । কুলশাশ্ত্রে আছে,—

“গঙ্গাপথের গঙ্গাধর, কৈতের বেণী,
ছাতকের বসন্ত রায়, পঁউলির ভবানী ।”

এই উপন্যাসে বর্ণিত মূল উপাখ্যান কিঞ্চিদন্তী হইতে গৃহীত ।
কিন্তু ইহাতে যে সকল ঘটনার অবতারণা করা হইয়াছে তাহার
অধিকাংশই কাল্পনিক । ভানু সিংহের সহিত বেণী রাষ্যের যুদ্ধ
ইতিহাসের কথা ।

বেণী রায় ।

প্রথম পরিচ্ছেদ ।

আকাশে মেঘমালা । মেঘের কোলে বিজলীর খেলা । মেঘ গর্জিতেছে, বর্ষিতেছে ; বিদ্যুৎ চমকিতেছে, দহিতেছে ;—অন্ধকারময়ী রজনীর ভীষণতা আরও বাড়িতেছে । ক্ষুদ্র মথিত চক্রবালরেখাবিলীন চলনহৃদের দিগন্তপ্রসারিত অমুরাশি জলদমন্ত্রে গর্জিতেছে, ছুটিতেছে, কূলপ্লাবী উচ্ছ্বাসে উদ্বেলিত হইতেছে,—যেন কালিন্দীর জলকল্লোল ভেদ করিয়া সহস্র কালিয় নাগ রোষে স্বসিয়া উঠিতেছে । আবর্তের পর আবর্তের অভিঘাতে চলনের তটদেশবর্তী মহাশ্মশান বিধ্বস্ত । সেই মহাশ্মশানে ঝঙ্কা, বৃষ্টি, বিদ্যুৎ উপেক্ষা করিয়া একটি ব্রাহ্মণযুবক ভগ্নপ্রাণে উন্মত্তের স্থায় পাদচারণ করিতে করিতে বলিতেছিলেন,—

“ঐ যে হৃদ চলন, উহার বন্ধ কখনও স্থির, ধীর, প্রশান্ত,—কখনও চঞ্চল, ফেনিল, তরঙ্গময় । মানুষের হৃদয়ও সেইরূপ । আজ গভীর শান্তি, কাল অপরিমেয় চাঞ্চল্য,—প্রকৃতির স্থায় নিত্য পরিবর্তনশীল । আমার চিত্তের কাছে চলনের আলোড়ন ? হৃদয় বেলাবিদারী শোকোচ্ছ্বাসে আমি দীর্ঘপ্রাণ, জর্জরিত । নিয়তির খরশরে আমি ক্ষতবিক্ষত । এ ক্ষতের প্রলেপ নাই, এ দুঃখের

বেণী রায় ।

অবধি নাই। শোকে যে শান্তি, দুঃখে যে আশা, দঃসারে যে সুখ, ধর্মে যে সঙ্গিনী, ভগ্নহৃদয়ে যে বিশল্যকরণী তাহাকে যখন হারাইয়াছি তখন আর এ জীবনে প্রয়োজন কি ? পিপাসায় যে বারি, তুফানে যে কাণ্ডারী, অঁধারে যে আলো, আকাশে যে ইন্দ্রধনু, শরতে যে জ্যোৎস্না, বসন্তে যে মলয়, তাহাকেই যদি না পাইলাম তবে আর বাঁচিয়া কি করিব ? জানে যে উৎসাহ, কর্মে যে প্রেরণা, শ্রদ্ধায় যে সত্যভামা, প্রণয়ে যে পার্শ্বতী, তাহাকেই হারাইলাম তো বাঁচিয়া থাকি কেন ? ভোগে যে সংযম, ভজনায় যে চিত্তশুদ্ধি, বিষয়ে যে অনাসক্তি সেই চলিয়া গেল তো এ প্রাণ রাখিয়া কি লাভ ? আদরিণী জয়া আমার আজ দস্যু-কবলে শ্ৰেনধূতা কপোতীর মত কত ভীতা, কম্পিতা, বিপন্ন। আর আমি এমনি হতভাগ্য যে স্বহস্তে সেই দস্যুর শিরশ্ছেদ করিতে পারিলাম না ! কেন তাহাকে ছাড়িয়া গেলাম ? কেন গৃহে রহিলাম না ? যে পাপিষ্ঠ নরাধম আমার হৃদয়ের ধন এমনি করিয়া কাড়িয়া লইল, জড়িত লতাকে বিটপিবক্ষ হইতে এমনি সবলে ছিন্ন করিল তাহার শোণিত-তর্পণে কেন অত্যাচারের প্রতিশোধ লইতে পারিলাম না ? শুধু অশ্রুবর্ষণের জন্ত কেন বাঁচিয়া রহিলাম ?—এস মরণ, এস ঈপ্সিত, চিরবাহিত, দীনশরণ, দুঃখহরণ, এস ! তোমার অমৃত ক্রোড়ে আমার চির বিশ্রাম দাও ! আর যে সহে না, হৃদয়ের জ্বালা আর যে সহিতে পারি না। জয়া ! জয়া ! জয়া !”

শোকে মুহূমান যুবক চলনহুদে বাঁপ দিতে গেলেন, পায়ে একটা

বেণী রায় ।

আছে অজ্ঞানের উপর জ্ঞানের প্রতিষ্ঠা, ভাণের উপর আন্তরিকতার আচ্ছাদন, পুণ্যের নামে পাপের প্রসার, কান্নার উপর হাসির মুখোষ, শক্তিমত্তার উপর শঠতা ও যথেষ্টচারিতার ভিত্তি । ইহ-জগতে শান্তি ?—পর্ণকুটীরে রত্ন, অমানিশায় কৌমুদী, শৈশবে পূর্ণতা, সম সম্ভব হইতে পারে, অসম্ভব পৃথিবীতে শান্তির চন্দ্রালোক । এই অনিত্যধাম যদি শান্তির নন্দনই না হইল, তবে অনন্ত জ্বালা সহিবার জন্ত এখানে থাকিতে চাহিবে কে ?—জগৎ, বিদায় ! সংসার, বিদায় ! আমি চলিলাম, সেই চিরশান্তিনিকেতনে চলিলাম, যেখানে প্রেম আছে, কিন্তু প্রেমের মরণ নাই,—সুখ আছে, কিন্তু সুখের বিনাশ নাই,—আনন্দ আছে, কিন্তু আনন্দের অন্ত নাই । জয়া, ইহলোকে তোমাকে আর পাইব না । কিন্তু সেই জীবনের পরপারে অনন্তের যাত্রী আমি আবার তোমায় পাইব, পাইয়া হারাইব না । একদিন তুমিও সেখানে আসিবে । তখন অনন্ত প্রেমের অনন্ত সুখ উভয়ে অনন্তকাল ধরিয়া ভোগ করিব, অনন্ত মিলনে অনন্তের জ্বালা জুড়াইব ।”

শ্মশানচারী যুবক এবার স্পষ্ট শুনিতে পাইলেন, লহরের পর লহর তুলিয়া স্কন্ধে কে যেন গায়িতেছে,—

“নিবিড় আঁধারে মা, চমকে ও রূপরাশি !”

প্রেতভূমিতে মনুষ্যকণ্ঠনিঃসৃত সঙ্গীত ! গায়ক গায়িতে লাগিলেন,—

“নিবিড় আঁধারে মা, চমকে ও রূপরাশি,
তাই যোগী ধ্যান ধরে হ’য়ে গিরিগুহাবাসী !”

বেণী রায় ।

আলোক, মেঘে চপলা, সান্ত্বে অনন্ত, তুমার বিকাশ দেখা মা,
দেখা মা !”

যুবক উন্নতের গায় সেই চলনের, মহাশ্মশানে গায়কের
অনুসন্ধান করিলেন, কাহাকেও দেখিতে পাইলেন না । অথচ
দূরে, অতি দূরে আবার সেই অপূর্বকণ্ঠে অপূর্ব সঙ্গীত শ্রুত
হইল,—

“নিবিড় আধারে মা, চমকে ও রূপরাশি !”

বেণী রায় ।

দেখেছি । দেখে কতবার মনে করেছি, এ ফুলাট বামুনের কুটীরে ফুটে নষ্ট হয় কেন, দোস্তের জন্ত তুলে আনি । জহরী রত্নের কদর বুঝে । তারই কাছে এমন মাণিক থাকিলে মানায় ।”

জলিল অবাক হইয়া বন্ধুর কথা শুনিতেছিল । খলিলের কথা সাঙ্গ হইলে সে বলিল, “একটা বামুনপণ্ডিতের ঘরে এমন মাণিক ! দোস্ত, বল কি ?”

খলিল । বিশ্বাস না হয়, একদিন চক্ষু কর্ণের বিবাদ মিটাও ।

জলিল । বেশ, তাই হবে । কালই আমরা পরীকে দেখিতে যাব ।

জলিল এ সব ব্যাপারে কোনকালেই পশ্চাৎপদ নয় । বিশেষ, এত রূপের আধার যে তাহাকে না দেখিয়া সে নিশ্চিত্ত রহিবে ?

পরদিন অপরাহ্নে বেণীমাধবের পত্নী জয়া পুষ্করিণীর ঘাট হইতে গা ধুইয়া অন্তঃপুরের অভিমুখে যাইতেছিলেন । জলিল তাঁহাকে আর্দ্রবসনে কলসীকক্ষে মস্তুরগমনে যাইতে দেখিল । সেই দেখাই তাহার কাল হইল । সতঃস্নাতার অবয়বে যে অনন্ত মাধুরী ফুটিয়া উঠে সুন্দরী রমণীতে তাহা সহস্রগুণে রমণীয় । সে সৌন্দর্য্য দেখিলে প্রশান্তচিত্ত ব্যক্তিও ক্ষণেকের জন্ত আত্মহারা হন, বিধাতার অপূর্বসৃষ্টি জানে তাহা হইতে বিশ্বয়োৎফুল্লদৃষ্টি ফিরাইয়া লইতে পারেন না । জলিলের কথা কি বলিব ? সে যাহা দেখিল তাহা কল্পনার অতীত সুষমা, স্বপ্নের অগোচর শোভা । মরি মরি কি অপরূপ রূপলহরী ! যেন সতঃশিশিরসিক্তা বসোরার গোলাপ মুহুমন্দ বায়ুভরে হেলিতেছে, ছলিতেছে, আপনার গৌরবে আপনি

বেণী রায় ।

সন্মুখে আকাশভূমিকুটারবিটপিটটবাপী সব ঘুরিতে লাগিল । সে ঐ অলোকসামাগ্রা সুন্দরীর প্রতি গতিবিভ্রমে, অঞ্চলসঞ্চালনে, অলঙ্কারশিঞ্জিতে ঐক্যতানবাদনের গায় অশ্রুতপূর্ব সঙ্গীত শুনিতে পাইল ও বেণুরবে ধাবিত যুগের গায় বিমূঢ় হইল । জয়া চলিয়া গেলেও সে সেদিক হইতে তাহার লালসালোলুপ দৃষ্টি ফিরাইয়া লইতে পারিল না । রমণীদুর্লভ রূপের অয়স্কান্তে তাহার চক্ষু দুইটি এমনি আকৃষ্ট হইয়া রহিল । সহস্রাশ্রুত পত্রমর্শ্বরে ও অনিশ্চিত অশ্রুট কণ্ঠস্বরে সে যেন কাহার কলধ্বনি শুনিতে পাইয়া শিহরিয়া উঠিতে লাগিল । কাহার শ্বাসের সৌরভ বহিয়া আনিয়া সমীরণ যেন মর্ত্যকে স্বর্গে পরিণত করিয়া তুলিল । সে আসিতেছে কি ? সে আসিতেছে কি ? বাহার রূপের রশ্মিস্পর্শে তাহার হৃদয়তন্ত্রী আজ বাজিয়া উঠিয়াছে সে তাহার অঙ্কলক্ষ্মী হইবে কি ?—কই, সে তো আর আসিল না, জগৎ আর হাসিল না,—একি স্বপ্ন না সত্য ?

সত্য সত্যই জলিল অচিন্তনীয় রূপরাশি দেখিয়া পাগল হইল । তাহার দৃষ্টি স্থির, বেণীমাধবের অন্তঃপুরাভিমুখী ; তাহার বাক্য রুদ্ধ । সে বজ্রাহতের মত, চিত্রার্পিতের মত সেই বাপীতটে দাঁড়াইয়া রহিল । খলিল কত বলিল, কত বুঝাইল, তবু সে প্রবোধ মানিল না ।

খলিল বড় মুস্কিলে পড়িল । সে কহিল, “এভাবে এখানে দীর্ঘকাল বসিয়া থাকিলে লোকে বলিবে কি ? পাগল হইলেই তো আশার সুসার হইবে না, বরং উদ্দেশ্য পণ্ড হইবে ।” জলিল তবুও নির্বাক ।

তৃতীয় পরিচ্ছেদ ।

জলিল । অচ্ছা, পকরস্তা, তুমি আসিতেছ কোথা হইতে ?

হৃষীকেশ শর্মা তখন অতিশয় কাতরস্বরে করজোড়ে কহিল,
“দোহাই খাঁ সাহেব, আমার কোন অপরাধ নাই । এই মিঞা
সাহেব শুধু শুধু আমাকে ধরিয়া আনিয়াছেন ।”

খলিল । চোপ্ রও, বেইমান্ !—হাটে কি বলিতেছিলে বল ।

হৃষীকেশ । আজ্ঞে, তা' বলিতেছিলাম কি,—হাটে বলিতে-
ছিলাম কি,—সে এমন কিছু নয়, আপনাদের কোন প্রস্তাব নয়—

খলিল । শীঘ্র বল ! নইলে তোর মুখে খুতু দিব ।’

হৃষীকেশ । আজ্ঞে, হাটের মাঝখানে রাজারাজড়ার কথা
না বলাই ছিল ভাল । তা' ঘাট হইয়াছে, গরীবের গোস্তাকি
মাপু হয়, হজুর !

খলিল । খানসামা, গোস্ত ল্যাও ! ল্যােকে ইঙ্কো থিল্ল দেও ।

হৃষীকেশ প্রমাদ গণিলেন । ব্রাহ্মণের মুখে মুসলমানের খুতু,
তার পর, রাম বল, একেবারে গোস্ত ! হতভাগ্য তর্কালঙ্কার
মনে মনে সঙ্কল্প করিলেন, আর কখনও প্রকাশে পরচর্চা করিবেন
না । তিনি নাকে কাণে খৎ দিয়া ক্রন্দনের সুরে কহিলেন,
“খাঁ সাহেবরা গরীব বামুনের জাতিটা আর মারিবেন না । যাহা
শুনিতে চান বলিয়া যাইতেছি । সাঁতোড়ের রাজা মুকুট রায়
বারেন্দ্র কুলীন ও সিদ্ধশ্রোত্রিয় স্ত্রী স্বদেও রাঢ়ীয় বংশে বিবাহ
করেন । তাহাতে উপাধিশূন্য পণ্ডিত বেণীমাধব রায় মত দিয়াছিলেন ।
তিনি বলিয়াছিলেন, ‘রাঢ়ী ও বারেন্দ্রে বিবাহ অশাস্ত্র নয় । কেবল
দেশাচারই এরূপ বিবাহের একমাত্র প্রতিবন্ধকতা । তা' ব্রাহ্ম-

বেণী রায়।

গেরাই দেশাচার পরিবর্তন-প্রবর্তনের কর্তা। 'এ ক্ষেত্রে আমরা দেশাচার লঙ্ঘনের ব্যবস্থা দিলাম। সাঁতোড়ের সান্যালবংশীয় রাজা চট্টোপাধ্যায়ের কন্যা বিবাহ করিবেন ইহা অযুক্তিক নহে। কাশ্যপগোত্রীয় কুলীন বারেন্দ্র হইলে মৈত্র, রাঢ়ী হইলেই চট্টোপাধ্যায়।'

অসহিষ্ণু জলিল ব্রাহ্মণের কথার ভনিতা শুনিয়া বৈর্যচ্যুত হইয়া তাহাকে পয়জারের ঠোকর মারিতে মারিতে কহিল, "সংক্ষেপে বল। বেণীরায়ের কথা বল। অত গোত্র বংশের খবরে আমার কাজ নাই।"

হৃষীকেশ। হুজুর তবে সকল কথা শুনিতে চান না ?

জলিল। আচ্ছা, সব বলিয়া যাও।

হৃষীকেশ বলিতে লাগিলেন, "একবার যাই ব্যবস্থা পাওয়া আর যাবে কোথায়? এবার রাজা সমাজকে বৃদ্ধাঙ্গুলী দেখাইয়া আর একটি সংস্কার বা ভাঙ্গ চুর করিতে বসিয়াছেন, অর্থাৎ একটি বৈদিক বিবাহের ইচ্ছা করিয়াছেন; পণ্ডিতমণ্ডলীর মত চাই। হ'ল সভা, হ'লেন বেণীমাধব আহত (আহুত)—

জলিল। বামুন ঠাকুর কোথায় এখন?—সাঁতোড়ে কি ?

হৃষীকেশ। সর্দার সাহেব, ভুল হইতেছে,—বয়োদিক্যতাবশতঃ বড় ভুল হইতেছে। তার একরূপ বাধা দিলে আমি সব বিস্মরণ হইব।

জলিল। বেশ, বেশ, দ্রুত বলিয়া যাও।

হৃষীকেশ। দ্রুত পারিব না। যেমন বলিতেছি তেমনি বলিয়া

বেণী রায় ।

ব্রাহ্মণপণ্ডিত নন । কাশীর পরম পণ্ডিত মাধবাচার্য্যের প্রধান শিষ্য তিনি । এই উপাধিপ্লাবিত বঙ্গদেশে শত সহস্র বাগীশ-ভূষণ-অলঙ্কার-পঞ্চানন-অর্ণব-সাগর-নিধি-রত্ন-চুঞ্চু-শিরোমণি প্রভৃতির মধ্যে বেণী ঠাকুর পণ্ডিতশিরোমণি । তিনি ইচ্ছা করিয়া উপাধি প্রত্যাখ্যান করিয়াছেন । তাঁহাকে ফিরাইয়া না আনিলে পণ্ডিতমণ্ডলীর মত হইবে না ।’

জলিল । কি গেরো, উপাধির ফিরিস্ত্ দিয়া কি করিব ঠাকুর ?
বেণী কোথায় আছে তাই বল ।

হৃষীকেশ । শ্রীরাম শাস্ত্রী যে উপাধিধারী পণ্ডিতগণের অপমানসূচক কথা বলিলেন তাহা দেখিতেছেন না । ঐ হতভাগা নিরুপাধি পণ্ডিতটাকেই আপনাদেরও দরকার দেখিতেছি, খাঁ সাহেব !

জলিল । হাঁ, হাঁ,—সে কোথায় বল !

হৃষীকেশ । আজও সাঁতোড়ে কুটুম্ববাড়ীতে আছে । কাল বাড়ী আসিবে শুনিতেছি ।

উল্লাসে জলিল ব্রাহ্মণের সম্মুখে একটা আস্রফি ফেলিয়া দিল । ব্রাহ্মণ সেই স্বর্ণমুদ্রা কুড়াইয়া লইয়া পাঠান যুবকদ্বয়কে বহুৎ বহুৎ সেলাম করিয়া চলিয়া গেলেন । ‘অথগু মণ্ডলাকারং মুদ্রারূপং মনোহরং’ দর্শন করিয়া তর্কালঙ্কার অপমানের জ্বালা ভুলিয়া গিয়া হাসিতে হাসিতে বাড়ীতে আসিলেন । তিনি দেখিলেন, পরচর্চার লাভও মন্দ নয় ।

ব্রাহ্মণ চলিয়া গেলে খলিল বলিল, “কেমন দোস্ত, বলি

চতুর্থ পরিচ্ছেদ ।

জয়া শয়নকক্ষে নিদ্রাভিভূতা । সিঁধ কাটিয়া জলিল ও তাহার অনুচরেরা নিঃশব্দপদসঞ্চারে সেখানে প্রবেশ করিল । পিন্সুজে প্রদীপ জলিতেছে । উহার আলোকে অলোকসামাগ্রা যুবতীর স্বভাবসুন্দর মুখখানি আরও সুন্দর, আরও দীপ্ত হইয়া উঠিয়াছে । জলিল একদৃষ্টে সেই অপূর্ব শ্রী দেখিতে লাগিল এবং উহাতে অসংখ্য সুসমা সপ্রকাশ দেখিয়া হতবুদ্ধির মত নিস্তব্ধভাবে দাঁড়াইয়া রহিল । আহা, কিবা চারুতার পূর্ণতায় চল চল সেই মুখখানি ! তাহার উপর ইতস্ততঃবিগ্নিপ্ত ভ্রমরকুম্ব অলকাগুচ্ছ । যেন পূর্ণিমার শশী মেঘে ঢাকিয়াছে ! একটি স্তম্ভঃপ্রস্ফুটিত পদ্ম বুঝি সরসীর কালো জলে ভাসিতেছে ! অঙ্গে স্বপ্নাভরণ, দিবসে দীপালোকের গায় দেহলাবণ্যের সংস্পর্শে হীনপ্রভ । কিবা উজ্জ্বলে মধুরে মেশামেশি ! কিন্তু স্বচ্ছতোয়া বাপীবক্ষে প্রতিবিম্বিত জলধরচ্ছায়াসম্পাতের গায় সেই সুন্দর মুখমণ্ডল যেন কিঞ্চিৎ শ্লান, বুঝি বিরহমেঘে মলিন !

জলিল আর স্থির থাকিতে পারিল না । সে ঐ রূপের অমৃতহৃদে মরালের গায় সম্ভরণ করিতে অধীর হইল, তরুণীকে বক্ষে ধারণ করিয়া হৃদয়ের দাবদাহ জুড়াইতে উত্তত হইল । বিকচকুম্বের পার্শ্বে কোরকের মত তরুণীর পার্শ্বে তাঁহার একমাত্র কণ্ঠা বিমলা নিদ্রিতা ছিল । জলিল তাহার সঙ্গীকে কহিল,

চতুর্থ পরিচ্ছেদ ।

মনুষ্যের দ্রুত পদশব্দে জাগিয়া উঠিয়া ছই একবার “কে ?—কে ?” বলিয়া হাঁক দিয়া আবার ঘুমাইয়া পড়িল । চতুঃপাঠীর নিদ্রামগ্ন শিষ্যেরা বুঝিতে পারিল না তাহাদের কি সর্বনাশ হইয়া গেল ।

পাষণ্ডেরা ঘুরিয়া ফিরিয়া বড়লের সোঁতার ধারে উপস্থিত হইল ও জয়াকে একখানি ছিপে তুলিয়া তৎক্ষণাৎ কামালপুর অভিমুখে যাত্রা করিল ।

এই ভাবে তাহারা যাইতে যাইতে রাত্রি প্রভাত হইল । তখন আর এক খানি বৃহত্তর ছিপ তাহাদের সম্মুখীন হইলে জলিল সভয়ে দেখিল তাহার আরোহী সেরপুরনিবাসী যুগলকিশোর সান্যাল ও পোতাজিয়ানিবাসী চণ্ডীপ্রসাদ রায় । এই যুবক দ্বয়কে সে ভাল রূপেই চিনিত । দাঁউদ শাহের রাজত্বকালে রাষ্ট্র বিপ্লবের সূচনা হইতেই ইহারা দলবদ্ধ হইয়া স্বজাতীয়ের মানসম্মত বাঁচাইবার জন্ত অস্ত্রধারণ করিয়াছিল এবং স্থলপথে ও জলপথে অত্যাচার দমন করিয়া বেড়াইত ।

জলিলকে দেখিয়াই যুগল কহিলেন, “খাঁ সাহেব, এই প্রত্যুষে কি মনে করিয়া এত তাড়াতাড়ি সদলবলে ছিপ্ চালাইয়া যাইতেছ ?”

জলিল যেন তাহা শুনিতে না পাইয়া এ কথার কোন উত্তর না দিয়া অনুচরদিগকে ক্ষিপ্বেগে ছিপ্ চালাইতে ইঙ্গিত করিল । তাহা দেখিয়া যুগল হাঁকিলেন, “ছিপ্ ভিড়াও ।” ইতিমধ্যে বড় ছিপখানি ছোট ছিপের গতি রোধ করিয়া দাঁড়াইল । যুগল কহিলেন, “এত ব্যস্ততা কেন খাঁ সাহেব ?”

জলিল । তোবা, তোবা, বলেন কি ? খলিলের হচ্ছে জরু—
খলিল । আমার হচ্ছে জরু, এও কি একটা প্রমাণের কথা ?
বিশ্বাস না হয়, এই তো এতগুলি লোক আছে ইহাদের জিজ্ঞাসা
করুন । ছি ছি, বড় সরমের কথা, বড় লজ্জায় ফেলিলেন আমাকে ।
হায় হায়, বেরাদারদের সামনে আমার মান ইজ্জত সব গেল ।

যুগল । চণ্ডী, হারু, তোমরা ঐ ছিপের উপর উঠিয়া ব'স ।
সুদীরাম, আমাদের ছিপ্ উহাদের সঙ্গে সঙ্গে চালাইয়া লও ।

সর্বনাশ, মহা বেগতিক । এখন একটা গোল করিলে নৌকা
ডুবি ও রক্তারক্তি হয় । তার চেয়ে কামালপুরে গিয়া একটা
হেস্ট নেস্ট যাহা হয় করা যাইবে । বিশেষ, এখান হইতে কামাল-
পুর বেশী দূরও নয় । সেখানে নিজের জোরও চলিতে পারে ।
ইহা ভাবিয়া জলিল আর কোন আপত্তি করিল না । দুই খানি
ছিপ্ পাশাপাশি চলিল ।

অবশেষে কামালপুরের সদর ঘাটে পঁছছিয়া যুগলকিশোর
জলিলকে কহিলেন, “তোমার চারিজন লোক ঐ গাছতলায়
কাপড়ের বেড় দিয়া ঘের করিয়া দাঁড়াক । খলিল মিঞার জরু
ঐ খানে হাঁটিয়া যাইবেন । সত্য সত্যই ছিপের ভিতরকার আওরুৎ
যে তাহারই জেনানা ইহা জানিতে পারিলেই আমরা নিশ্চিত্ত মনে
ফিরিয়া যাইতে পারি ।”

খলিল । তা হবে না, আমার জরুকে আপনাদের সম্মুখে
হাঁটাইয়া লইতে পারিব না । পাকী আসুক, বেহারারা আসুক,
দাস দাসী আসুক, তবে তিনি ছিপ্ হইতে নামিবেন ।

চতুর্থ পরিচ্ছেদ ।

জলিল পাঠান, অতএব সর্দার । জয়াকে পাইবার জন্ত তাহার আগ্রহও অসামান্য । তবে সে পলায়ন করিল কেন ? হয় সুন্দরীকে লাভ, নয় সেজন্ত প্রাণত্যাগ, ইহার একটা কিছু তাহার করা উচিত ছিল, অনেক পাঠক এইরূপ বলিতে পারেন । কিন্তু যে স্বজাতির রাজত্বলোপাশঙ্কা বর্তমানেও এবং বাদশাহ দাউদ শাহের উদ্ধৃতিসন্দর্শনেও নিশ্চিত থাকিতে পারে সে বীর নয় । বিশেষ, বীর নারীনিগ্রহ করে না, লম্পট কাপুরুষ । জলিল বীরের মায় প্রাণ দিতে যাইবে কেন ? বরং বাঁচিয়া থাকিলে সে জয়ার পরিবর্তে আর কোন সুন্দরী যুবতীকে অপহরণ করিতে পারিবে । তাই জলিল প্রাণটাই আগে বাঁচাইল ।

বিপন্নাকে উদ্ধার করিয়া যুগলকিশোর তাঁহার মুখের বন্ধন খুলিয়া দিলেন ও তাঁহাকে বিনয়নম্রবচনে বলিলেন, “আমরা আপনার সন্তান । কোথায় যাইতে ইচ্ছা করেন জানিতে পারিলে আপনাকে সেখানে রাখিয়া আসিতে পারি ।”

জয়াও ভাবিতেছিলেন, “এখন কোথায় যাই, কি করি ? ইহারা ভদ্র-সন্তান, আমার উদ্ধারকর্তা, ইহাদের সঙ্গে যাইতে অশুভ কোন বাধা নাই । কিন্তু যাই কোথায় ?—পতিগৃহে ? সেখানে স্নেহকর্তৃক অপহৃত্যের স্থান হইবে কি ? স্বামী পরম নিষ্ঠাবান্ ব্রাহ্মণপণ্ডিত, আমাকে গ্রহণ করিবেন কি ? নারীর যাহা সার ধর্ম তাহা যে হারাই নাই, সে কথা বিশ্বাস করিবেন কি ? যদি বিশ্বাস করেন, প্রণয়পরবশে আমায় গ্রহণও করেন, সমাজ আমায় গ্রহণ করিবে কি ?—অসম্ভব । তবে আমার জন্ত

চতুর্থ পরিচ্ছেদ ।

পিত্রালয়ে যাইব কি ? সেখানেই বা বৃদ্ধ পিতামাতাকে বৃথা অসুখী করি কেন ? একটা তুচ্ছ নারীজীবনের জন্তু চারিদিকে অশান্তির আগুন জ্বালি কেন ? হা অদৃষ্ট, কোথাও আর মুখ দেখাইবার উপায় নাই ! হে বিশ্বনাথ, জীবনান্তকাল দহিবার জন্তুই কি এই পোড়া রূপ দিয়াছিলে ?”

দুঃখে কষ্টে অভাগিনীর গণ্ড বহিয়া অশ্রুধারা পড়িল । যুগল তাহা দেখিতে পান নাই । তিনি মহিলাকে নীরব দেখিয়া কহিলেন, “মা, এখানে দীর্ঘকাল অপেক্ষা করা ভাল নয় । পাষণ্ডেরা হয় ত জোট বাঁধিয়া আসিতে পারে । আপনাকে কোথায় লইয়া যাইব শীঘ্র বলুন ।”

জয়া প্রত্যুত্তরে বলিলেন, “পৃথিবীতে কোথাও আমার স্থান নাই ।”

কথাগুলি সামান্য, কিন্তু উহা বিলাপের সঙ্গে নিরাশার সুরে গাঁথা, যেনন করুণ তেমনি মর্শ্বেদী । যাহা শুনিলে পাষণ্ড গলে এ সেই কঠোরহৃদয় দ্রবকারী, হতশেষ বৃদ্ধ বেদনার ভাষাময় তপ্তশ্বাস !

ইহা শুনিয়া যুগলের নয়ন অশ্রুসিক্ত হইল । তিনি ভাবিলেন, “হায়, হায় ? পাপিষ্ঠ কি সর্বনাশ করিয়াছে ! আজ ইনি উহারই জন্তু নিরাশ্রয়া, সংসারে নারীর যে প্রধান অবলম্বন তাহা হইতে পরিচ্যুত, হতসর্বস্বা !” পাষণ্ডের পাপের সমুচিত দণ্ড দিব । আঁতের রক্ষা যেনন আমাদের ধর্ম, তেমনি দুষ্কর্তের দমনও আমাদের ব্রত । কিন্তু এখন ইহাকে লইয়া কি করিব ?

বেণী রায় ।

আপাততঃ সেরপুরেই লইয়া যাই, পরে যে ব্যবস্থা হয় করা যাইবে ।”
যুগল প্রকাশে কহিলেন, “মা, আপনার বিংশতি সন্তান নিকটে,
আপনার স্থানের অভাব কি ?”

জয়া । আপনারা এই বিপন্নার সহায়, নিরাশ্রয়ার আশ্রয় ।
ভগবান্ আপনাদের মঙ্গল করিবেন । আপনারা যেখানে ইচ্ছা
আমাকে লইয়া চলুন ।

যুবকেরা জয়াকে লইয়া সেরপুর অভিমুখে চলিলেন । জয়া
যাইতে যাইতে ভাবিতে লাগিলেন, “যে সমাজের ভয়ে পতিগৃহে বা
পিত্রালয়ে গেলাম না, অন্যত্রও সেই আশঙ্কা তুল্যরূপে বর্তমান ।
যেখানে যাইব, অপবাদ সঙ্গে যাইবে, কলঙ্কের পশরা মাথায়
লইতে হইবে । হায় সমাজ, হায় রমণীর জীবন ! এখানেও কত
লোকে কত কুৎসা রটাইবে, কত লজ্জার কথা বলিবে । বালিকা-
যুবতী বৃদ্ধার বিদ্রূপ কটাক্ষের বিষদিক্কাবাণে জর্জরিত হইয়া পরাশ্রমে
বাস করিতে হইবে । সতী আমি, নিষ্পাপ আমি এ কথা কে
বিশ্বাস করিবে ? লোকে বলিবে, আত্মপরাধস্থালনের জন্ত
এরূপ অনেকেই বলিয়া থাকে । পতি হারাইলাম, কণ্ঠা হারাইলাম,
জাতি হারাইলাম, আত্মীয় স্বজন পরিজন আশ্রয় সব হারাইলাম,
সহায়শূন্য, নিঃসঙ্গা, নিরাশ্রয়া হইলাম । নারীনিগ্রহকারীর
অত্যাচারে ও তাহার অধিক প্রবল অত্যাচারী নিশ্চয় একচক্ষু
সমাজের উৎপীড়নে পিষ্ট, দলিত, জর্জরিত হইলাম । মিথ্যা
কলঙ্ককালিমা লইয়া কলঙ্কিনী নাম ধারণ করিয়া এই ব্যর্থ জীবন-
ভার বহন করিয়া কি লাভ ? মৃত্যুই আমার একমাত্র গতি, একমাত্র

পঞ্চম পারচ্ছেদ ।

আজও আকাশ পরিষ্কার হয় নাই। বেণী উদ্ভ্রান্তভাবে ঘুরিয়া বেড়াইতেছেন। তাঁহার মাথার উপর ঝড় বৃষ্টি বহিয়া যাইতেছে, ঝঞ্জা উন্মাদের মত ছুটিয়া আসিতেছে, কোনদিকে দৃকপাত নাই। তাঁহার মাথার উপর প্রভাতের কনক রৌদ্র, মধ্যাহ্নের তীক্ষ্ণোজ্জ্বল কর, সায়াহ্নের স্নানরাশ্মি পর্যায়ক্রমে বর্ষিত হইতেছে, ক্রম্পন নাই। তাঁহার মুখমণ্ডল কখনও হাস্তস্নিগ্ধ, কখনও অশ্রুপ্লুত, কখনও আশাপ্রদীপ্ত, কখনও নিরাশাদিগ্ধ, কখনও কঠোর, কখনও কাতর। ধূ ধূ প্রান্তর, সেখানে জনসমাগমমাত্র নাই। মধ্যে মধ্যে দিগন্ত উদ্ভাসিত করিয়া এক একবার বিদ্যুৎস্ফুরণ হইতেছে। রুক্মকেশ, উদ্ভ্রান্তদৃষ্টি বেণীমাধবকে সেই আলোকে বোধ হইতেছে যেন একটা বিশালসত্তা মেঘস্পর্শী কেশ লইয়া বিরাটরূপে দণ্ডায়মান, অনন্তগ্রাসী অন্ধকারে যেন একটা তেজোবহ্নি ধব্ধ ধব্ধ করিয়া জ্বলিয়া উঠিতেছে! আকাশে মেঘ ডাকিতেছে—তুরু তুরু গুরু গুরু, নিম্নে বেণী মাকে ডাকিতেছেন, ‘কালী, করালী, অম্বিকে, সর্বমঙ্গল-মঙ্গলো শিবে সর্বার্থসাধিকে!’

.. বেণী উন্মত্তের গায় সেই প্রান্তরে ছুটিয়া বেড়াইতেছেন। আপনা আপনি বলিতেছেন, “কই আলো?—নিভে গেল, নিভে গেল। আলো আমার শ্রেয়ঃ, আলো আমার প্রেয়, আলো আমার ক্ষুধার অন্ন, তৃষ্ণার জল। কই আলো?—মা, মা, একটু আলো,

বেণী রায় ।

আমায় চেনে না । বলে, আমি পাগল, পত্নীহারা হইয়া আমার মস্তিষ্কবিকৃতি ঘটয়াছে । ভূম্যধিকারিগণ নৃত্যবিলাসে ও প্রজা-পীড়নে রত, পণ্ডিতেরা ব্যাকরণ ও শ্রুতির চর্চায় পটু, চণ্ডীর মন্ত্র ভুলিয়া 'আবৃত্তি'মাত্রে গর্ষিত । দেশের এই দুর্দশার দিনে স্বার্থান্ধ বিমূঢ়াত্মা ভূস্বামীদিগকে একদিন নৃত্যোল্লাস হইতে বিরত হইতে বলিলাম । তাহারা হাসিয়া উঠিল । দেশটা যেন তাহাদের নিকট সম্পূর্ণ নিরর্থক শব্দমাত্র মনে হইল । ব্রাহ্মণপণ্ডিতগণকে কহিলাম, "তোমরা চণ্ডীর মানে বুঝ না, অথচ তোমরাই পারমার্থিক গুরু । কেবল সাপের মন্ত্র পড়িয়া সময় নষ্ট করিতেছ !" তাহারা 'বদ্ধপাগল' বলিয়া আমাকে দূর করিয়া দিল । ফিরিবার সময় দেখি, কয়েকজন ভিখারী খঞ্জনি বাজাইয়া গায়িতেছে,—

(ও ভাই) একা এসে একা যেতে যে হবে,

সাথের সাথী কেউ না ভবে ! (হাস্য রে)—

শুনিয়া আমার মাথা ঘুরিয়া গেল । সহসা মনে হইল, এইরূপ এক একটি গ্রাম্য গীতে, এক একটি গ্রাম্য কথায় বাঙ্গালার কি সর্বনাশ হইতেছে । উহা লোকের মন্থে মন্থে প্রবেশ করিয়া আখ্যরক্ত দূষিত করিতেছে । আমি ভিখারীদের বলিলাম, 'এ গান তোমরা আর গাহিও না ।' তাহারা অবাক হইয়া বলিল, 'কেন, ইহাই তো আমরা পুরুষানুক্রমে গাহিয়া আসিতেছি । ইহা গাহিয়াই ছয়ারে ছয়ারে ছ'মুঠা ভিক্ষা পাই । ঠাকুরের মাথা ধরাপ হইয়াছে কি ?' আমি তাহাদের মারিতে গেলাম । বলিলাম, "তোদের এ সব গান আর গায়িতে দিব না । পালা, পালা,—

বেণী রায় ।

অশ্ৰোষাঋষেব দেবানাং শক্রাদীনাং শরীরতঃ ।
নির্গতং সুমহত্তেজস্তচৈকং সমগচ্ছত ॥
অতীব তেজসঃ কূটং জ্বলন্তমিব পর্বতম্ ।
দদৃশুস্তে সুরাস্তত্র জ্বালাব্যাপ্তদিগন্তরম্ ॥
অতুলং তত্র তত্তেজঃ সর্বদেবশরীরজম্ ।
একস্থং তদভূন্নারী ব্যাপ্ত লোকত্রয়ন্তিষা ॥”

তুই যে সমস্ত দেবের তেজোরশিসমুদ্ভবা তাহা ইহাদের মনে নাই । ইহাদের মনে নাই, “সহস্রশীর্ষা পুরুষঃ সহস্রপাৎ ।” ইহারা ধনঞ্জয়ের গ্ৰায় বলিতে পারে না,—

“পশ্যামি দেবাংস্তব দেবদেহে
সর্বাংস্তথা ভূতবিশেষসজ্ঘান্ ।
ব্রহ্মাণমীশং কমলাসনস্থ
মৃষীংশ্চ সর্কানুরগাংশ্চ দিব্যান্ ॥
অনেকবাহুদরবক্ত্রনেত্রঃ
পশ্যামি ত্বাং সর্কতোহনন্তরূপম্ ।
নান্তং ন মধ্যং ন পুনস্তবাদিৎ
পশ্যামি বিশ্বেশ্বর বিশ্বরূপ ॥”

তাই না এই দুর্গতি, তাই না এই অধঃপতন, তাই না আমি লোকালয় ছাড়িয়া বিজন প্রান্তরে ঘুরিয়া বেড়াইতেছি । দিনের পর দিন কাটিয়া যাইতেছে, একটিও মানুষ দেখিতে পাইতেছি না । ঐ যে অদূরে অরণ্য,—অরণ্যই আমার চিরশরণ্য, চিরধরণ্য । লোকালয় হইতে অরণ্য ভাল, মানুষ হইতে পশু ভাল । চারিদিকে

ষষ্ঠ পরিচ্ছেদ।:

নাই, স্বস্তি নাই, নিস্তার নাই। ইহার জন্ত আমাকে হয় ত, আরও বিপন্ন হইতে হইবে। এ কণ্টক দূর করিয়া ফেলাই ভাল।” এইরূপ চিন্তা করিয়া একদিন রাত্ৰিকালে জয়া তাঁহার মুখমণ্ডল ছুরিকাঘাতে ক্ষতবিক্ষত করিলেন। ললাট ও গণ্ডস্থল হইতে শোণিতস্রোত বহিতে লাগিল, তাহাতে ভ্রক্ষেপ নাই, দৃকপাত নাই। বিরূপা হইয়া তাঁহার আনন্দ কত, সুখ কত! আজ হইতে একটা পাপ দূর হইয়া গেল, মহা শত্রু অপসারিত হইল, এই আনন্দে হতভাগিনী আঘাতের যাতনা ভুলিয়া গেলেন।

পরদিন প্রত্যুষে যুগল ও তাঁহার ভগ্নী রমাসুন্দরী এই কাণ্ড দেখিয়া শুনিয়া অবাক হইলেন। রাসবিহারী স্তব্ধ হইয়া দাঁড়াইয়াছিল, স্তব্ধভাবেই দাঁড়াইয়া রহিল। তারপর সে ধীর গম্ভীরকণ্ঠে বলিল, “মা, আমি সব বুঝিতে পারিয়াছি। উনি যে ভয়ে আপনাকে কুশ্রী কদাকার সাজাইয়াছেন আমি তাহা দূর করিব।”

ইহা বলিয়া উত্তরায় লইয়া রিক্তপদে রাসবিহারী চলিয়া গেল। যুগল ভাবিলেন, সে কোন পাষণ্ডকে শাস্তি দিতে যাইতেছে। রমা কিছুই বুঝিতে পারিলেন না। রাসবিহারী যে নিজেই এই ঘটনার মূল ও আপনি আপনাকে শাস্তি দিতে যাইতেছে তাহা তখনও কেহ বুঝিতে পারেন নাই।

কবিরাজ আসিলে জয়া চিকিৎসকের প্রস্তাবিত কোন প্রলেপ দিতে সম্মত হইলেন না। তিনি রমাসুন্দরীকে বলিলেন, “অমনি আপনাদের নিকট আমি নানাভাবে ধনী। আমার জন্ত আপনারা

দুশ্চরিত্র ভাগিনেয় সংসার হইতে আপনি দূর হইয়াছে বলিয়া যুগল সুখী হইয়াছিলেন। নহিলে তিনিই তাহাকে দূর করিতেন। কিন্তু দিদির মনে দুঃখ না দিয়া তিনি এ সব ভৎসনায় কণপাত না করিয়া বন্ধু চণ্ডীপ্রসাদ রায়কে ডাকিয়া পাঠাইলেন। বন্ধু আসিলে তিনি তাঁহাকে সকল কথা জানাইয়া বলিলেন, “ভাই, আমাদের এখানে এই দেবীর বাস এখন দুঃসহ হইয়া পড়িয়াছে। তুমি আশ্রয় না দিলে তিনি হয়ত কোথাও চলিয়া যাইবেন এবং তিনি আবার বিপদে পড়িলে সে পাতক আমাদেরই হইবে। সতীকে তোমার বাড়ীতে স্থান দিয়া আমার চিরকৃতজ্ঞতাপাশে বন্ধ কর ভাই! এমন দেবীর জীবন আমি কোনমতে নষ্ট হইতে দিতে পারি না। তুমি বুঝিতেছ না, এই সব মহাশক্তির অংশরূপিণী মহিলাদের পুণ্যময় জীবনই এই অভিশপ্ত দেশের একমাত্র ভরসা?”

চণ্ডীপ্রসাদ। দাদা, এই দেবী কি আমার বাড়ীতে বাস করিতে সম্মত হইবেন?

যুগল। সে ভার আমার দাও। তিনি রাজি হইলে—

চণ্ডী। আর কোন কথাই নাই। বাড়ীতে আমার স্ত্রী ও পুত্রকণ্ঠা আছে। কোন অসুবিধা হইবে না। তোমার মত আমিও শৈশবে মাতৃহীন। স্ত্রীকে বলিব, আমি মাকে ঘরে আনিয়াছি। আর যুগলদা, তুমি স্থির জানিও, আমার মার পূর্বকথা ঘুণাকরেও পোতাজিয়ায় কেহ জানিতে পারিবে না। সম্মত হইয়া মাকে অসুখী করিব না।

সপ্তম পরিচ্ছেদ ।

হৃষীকেশ তর্কালঙ্কারের শ্বশুরবাড়ী কাছিকাটা গ্রামে । তিনি বেণীরায়েের স্ত্রীর অপহরণ সংবাদ শুনিতে পাইয়া ব্যস্ত ভাবে শ্বশুরালয়ে আসিয়া দাসীকে জিজ্ঞাসিলেন, “বোবার মা, এরা—
আঁ—এরা এখানে আছে তো ?” বোবার মা কতকগুলি বাসন লইয়া মাজিতে বসিয়াছিল । দ্বিপ্রহর অতীত হইয়া গিয়াছে । জলবিন্দু স্পর্শ করে নাই । কাজেই সে খোস মেজাজে ছিল না । তর্কালঙ্কারের কথার জবাব দিল না । তখন ব্রাহ্মণ আরও কাকুতি মিনতি করিয়া বলিলেন, “তুমি কথা কও না কেন গা ? মুখও ভার দেখছি । বলি, দিদিমণি এখানে আছে তো ?”

বোবার মা রাগ করিয়া বলিল, “থাকবে না তো যাবে কোথায় গা ?”

তর্কালঙ্কার । সোজা ক’রে বল, বোবার মা ! সোজা ক’রে বল ! তাকে কেউ ধ’রে নিয়ে যানি তো ?

বোবার মা । আর তো মানুষ পেলো না !

সত্য বলিতে গেলে অপহৃত হইবার আশঙ্কা তর্কালঙ্কারের স্ত্রীর আদবে ছিল না । রূপ ভয়ে ভয়ে হৃষীকেশ ঠাকুরের শ্বশুরবাড়ীর সংস্পর্শ ছাড়িয়া থাকিত ।

দাসীর সহিত কথোপকথনে আর সময়ক্ষেপ না করিয়া তর্কালঙ্কার উচ্চৈঃস্বরে শ্যালকের নাম ধরিয়া ডাকিতে ডাকিতে

তর্কালঙ্কার । তবে এখন হইতে আমার প্রাধান্য নষ্ট করে কে ? আমার ব্যবস্থাই বলবৎ রহিবে, আমার সম্ভ্রম বন্ধিষ্ণু হইবে ।

সুরেশ্বরী । ছিছি, তোমার হৃদয়ে একটু দয়া নাই, একটু সমবেদনা নাই ।

তর্কালঙ্কার । শোন সুরেশ্বরী, আমার মনে হয়, তোমার সহচরীকে ধরিয়া লইবার মূল আমাদের গ্রামের সর্দার জলিল ও খলিল । তাহারা আমার নিকট যেদিন বেণীমাধবের সন্ধান লয় সেইদিনই রাত্রে এই ঘটনা ঘটে । পাঠানেরা যাই আমার কাছে গুনিল বেণীঠাকুর সাঁতোড়ে আছে অমনি আমাকে এই আস্রফি বক্সিস দিল । ইহা তোমারই জন্ত আনিয়াছি, সুরেশ্বরী !

সুরেশ্বরী । তুমিই তবে তাদের গোয়েন্দা ?

তর্কালঙ্কার । গোয়েন্দা নই, সরলভাবে প্রশ্নের উত্তর দিয়াছিলাম । ইহার বেশী কিছু করি নাই ।

সুরেশ্বরী । যবনের দান কেন গ্রহণ করিলে ? (কপট ভয় দেখাইয়া) রোস, তুমি যে জয়ার অপহরণকারীদের নিকট হইতে আস্রফি বক্সিস লইয়া গোয়েন্দাগিরি করিয়াছ তাহা এখানকার সকলকে বলিয়া দিতেছি ।

তর্কালঙ্কার । (যজ্ঞসূত্র করে লইয়া) সুরেশ্বরী, সর্বনাশ করিও না । আমায় ধরাইয়া দিলে বেণীমাধবের আশ্রিত বাগ্দি ও নমঃশূদ্রেরা ব্রহ্মহত্যা করিঙেও ইতস্ততঃ করিবে না । তুমি বিধবা হইবে, আভীরা (অবীরা) হইবে ।

সুরেশ্বরী । তবে বল, কাল প্রায়শ্চিত্ত করিবে ?

বেণী রায়

তর্কালঙ্কার । করিব ।

সুরেশ্বরী । আর এমন কাজ করিবে না ?

তর্কালঙ্কার । করিব না ।

সুরেশ্বরী । এই আস্রফি পুকুরের জলে ফেলিয়া দিবে ?

তর্কালঙ্কার । তা—তা' এতটা কাঞ্চনের মায়া ত্যাগ করিতে বলিও না । অবশ্য তুমি রহস্য করিতেছ, সুরেশ্বরী !

সুরেশ্বরী । তবে কাঞ্চন লইয়াই থাক, কামিনীর মায়া ত্যাগ কর । আমি আজই গলায় দড়ি দিব !

তর্কালঙ্কার । তা' হলে—অ্যা—ওটা ফেলিয়া দিতে বল ?

সুরেশ্বরী । এখনই ।

অগত্যা তর্কালঙ্কার সেই আস্রফি পুকুরিণীর জলে ফেলিয়া দিতে বাধ্য হইলেন । তারপর সুরেশ্বরী বেণীর অনুগত লোচন বাগ্‌দিকে ও কৃষ্ণসর্দারকে ডাকিয়া পাঠাইলেন এবং স্বামীর নাম গোপন করিয়া কহিলেন, “শোন লোচনদা, কৃষ্ণদা, আমার মনে হইতেছে জামালপুরের জলিলখাঁ বেণী আমার সর্বনাশ করিয়াছে । তোমরা মামীকে উদ্ধার করিতে প্রস্তুত আছ কি ?”

লোচন ও কৃষ্ণ সমস্বরে বলিয়া উঠিল, “প্রাণ দিতে হয় তাও স্বীকার । তবু মা ঠাকুরাণীকে উদ্ধার করিয়া আনিব । আপনার আর কিছু বলিবার আছে ?”

সুরেশ্বরী । না, তোমরা যাহা ভাল বুঝ কর ।

লোচন ও কৃষ্ণসর্দার একদিনের মধ্যেই ত্রিশ চল্লিশ জন বাগ্‌দিনিমঃশূদ্র ও ভদ্রসন্তান ছুটাইয়া লইয়া কামালপুরে রওনা হইল

কুটারের সম্মুখে উপস্থিত হইলেন । সেখানে পঁছিয়া বেণীমাধব দেখিলেন অন্যান্য ত্রিশ জন ভীমকায় ব্যক্তি সমস্ত্রমে সেই বৃদ্ধ বনবাসীকে অভিবাদন করিল । বনবাসী তাহাদিগকে কুশলপ্রশ্ন করিয়া সঙ্গীর প্রতি চাহিয়া দেখিলেন, তাঁহার অপূর্ব জ্ঞান ও প্রতিভাদীপ্ত নয়ন ও ললাট, তেজোব্যঞ্জক মুখশ্রী, স্নগোর দীর্ঘাবয়ব, ঋষিকল্প মূর্তি । তৎপরে বেণীমাধবকে জিজ্ঞাসিলেন, “আপনি ব্রাহ্মণ ?” বেণীমাধব কহিলেন, ‘হঁ’ । তখন বনবাসী তাঁহাকে প্রণাম করিয়া বলিলেন, “আজ আমার বড় সৌভাগ্য আপনি আমার অতিথি হইয়াছেন ।”

বেণীমাধব সে কথার কোন উত্তর না দিয়া দণ্ডায়মান ব্যক্তিগণের প্রতি অঙ্গুলীনির্দেশপূর্বক জিজ্ঞাসা করিলেন, “ইহারা কে ?”

বনবাসী । আমার অনুচর ।

বেণী । আপনি কে ?

বনবাসী । গোবিন্দ সিংহ ।

বেণী । দস্যুসর্দার গোবিন্দ সিংহ ?

গোবিন্দসিংহ । ইহারা দস্যু নয়, আমিও দস্যুসর্দার নহি । আমরা শিষ্টের বন্ধু, দুষ্টের যম । পাপীর অর্থ অলঙ্কার লুণ্ঠিয়া লই, কিন্তু ধার্মিকের কিছুই লই না । আমরা বৃথা নরহত্যা করি না, দুর্বলের উপর অত্যাচার করি না, নারীনিগ্রহ করি না ।

বেণী । তবে আপনারা মানুষ ?—লোকালয়ে মানুষ খুঁজিয়া পাইলাম না, অবশেষে এই বনের ভিতর মানুষ দেখিতেছি ।

বেণী রায় ।

কথাগুলি সহসা গোবিন্দ সিংহের মর্শের ভিতর আঘাত করিল । তিনি ভাবিতে লাগিলেন, আজ পর্য্যন্ত মানুষের মত কি কি কাজ করিতে পারিয়াছেন । অনেক সময় এক একটি ক্ষুদ্র কথা আমাদিগকে আত্মবিচারে প্রবৃত্ত করে, কিন্তু উহা শীঘ্র এমনি কষ্টকর হইয়া দাঁড়ায় যে আমরা তৎক্ষণাৎ জেরার মাঝখানে বিচারকার্য স্থগিত করিয়া বসি । গোবিন্দসিংহও তাহাই করিলেন । অবশেষে তিনি বেণীমাধবকে বলিলেন, “পূরা মানুষ হইতে পারিলাম কই, ভাই ! এখন দিনকাল গিয়াছে, বুড়া হইয়াছি ।”

বেণী রায় সেই হইতে শ্রীপুরের বনে বাস করিতে লাগিলেন । কয়েক দিন পরে তিনি দলপতিকে জিজ্ঞাসিলেন, “আচ্ছা, সর্দার গোবিন্দ সিং, আপনি লোকালয় ছাড়িলেন কেন ?”

গোবিন্দ সিংহ । সে অনেক কথা । আজ তাহা আবার মনে করিয়া দিলে কেন ভাই ? একদিন আমারও সব ছিল । ধনদৌলত আত্মীয় পরিজন কিছুই অভাব ছিল না । আমরা তিন পুরুষ হইতে বাঙ্গালার বাস করিতেছি । নাগর নদীর ধারে জামালগ্রামে আমাদের দু’শ বিঘা জমি ছিল, হাল লাঙ্গল ছিল, খাসখামার ছিল । বিষয়সূত্রে আলফু মিঞার পিতার সহিত আমার পিতার ভয়ানক বিরোধ উপস্থিত হয় । ক্রমে উভয় পক্ষে দাঙ্গা আরম্ভ হয় । তাহাতে আমাদের দুই দলেই অনেক লোক হতাহত হয় । ফৌজদার স্বয়ং এই ঘটনা তদন্ত করিতে আসেন । কিন্তু তিনি আমাদেরই দোষ বেশী বলিয়া পক্ষপাতিত্ব প্রদর্শন করিতে আরম্ভ করেন । তাহাতে পিতা বিদ্রোহী হন । আমি

নবম পরিচ্ছেদ ।

ফৌজদার জম্‌সেদের কর্ণে এই নারীনিগ্রহের সংবাদ পছছিবা-
মাত্র তিনি গোয়েন্দা লাগাইয়া গুপ্ত অনুসন্ধান আরম্ভ করিয়া
দেন। তাহার ফলে জলিল, খলিল এবং তাহাদের সহকারীরা
ধৃত হইয়া কারারুদ্ধ হয়। যে যত বড় অত্যাচারী হউক তাহাকে
দমন করিতে জম্‌সেদ খাঁ কোনদিন পশ্চাৎপদ ছিলেন না। তিনি
জানিতেন, প্রজাসাধারণের সন্তোষের উপরই বাদশাহের রাজ্যের
ভিত্তি ; হিন্দু হউক, মুসলমান হউক, অপরাধী মাত্রেই সমভাবে
দণ্ডনীয়। বাদশাহের জাতি বা উজির ওমরাহের আত্মীয় বলিয়া
তাঁহার নিকট কাহারও নিষ্কৃতি ছিল না।

অগৌণে তাণ্ডায় জলিলের স্বপুত্র তাহার কারাবাসের সংবাদ
জানিতে পারিলেন। তিনি ফৌজদারিবিভাগের কর্তৃপক্ষের দ্বারা
জম্‌সেদ খাঁকে হুকুম দেওয়াইলেন যে অবিলম্বে সর্দার জলিল
খাঁকে যেন মুক্ত করা হয়। ফৌজদার এইরূপ বে-আইনি আদেশ
পালন না করিয়া জলিলের সংক্রান্ত সকল বিবরণ সরকারে পেশ
করিলেন। তাহাতে কোন ফল হইল না। কর্তৃপক্ষ জানাইলেন,
“বাদশাহের অমাত্যের আদেশপালনই ফৌজদারের কর্তব্য।
তাঁহাকে ঞ্চায়াণ্ডায় বিচার করিতে বলা হয় নাই। হুকুমমাত্রে
সর্দার জলিল খাঁকে কেন মুক্তি দেওয়া হয় নাই তাহার সন্তোষ-
জনক কৈফিয়ৎ যেন সপ্তাহকাল মধ্যে দাখিল করা হয়।”

জম্‌সেদ খাঁ ইহার কোনই কৈফিয়ৎ না দিয়া কার্যে ইস্তফা
দিলেন। তিনি মনে মনে পাঠান রাজত্বের অতীত ও বর্তমান
অবস্থা আলোচনা করিয়া ভাবিতে লাগিলেন, “হায় কত কষ্টে, কত

বেণী রায় ।

শোগিতপাতে পাঠানেরা এই বঙ্গদেশ অধিকার করিয়াছিল । কিন্তু তাহারা প্রজার মনোরঞ্জন করিতে না পারিয়া এই রাজ্য হারাইতে বসিয়াছে । উর্দ্ধতন রাজপুরুষেরা ইন্দ্రిয়সেবায় ও উৎকোচ গ্রহণে রত, বাদশাহের স্বার্থ কে দেখিতেছে ? প্রজাদের অধিকাংশ হিন্দু, তাহাদের ধর্ম্মে হস্তক্ষেপে ও রমণীদিগের সতীত্বনাশে তাহারা বাদশাহ সুলেমান করণীর আমল হইতে উত্যক্ত । যখন কালাপাহাড় হিন্দুর উপর নিষ্মম অমানুষিক অত্যাচার আরম্ভ করে তখনই জানি এ রাজ্যে খোদার অভিসম্পাৎ আছে, এ রাজ্য আর টিকিবে না । বাদশাহ সুলেমান করণীকে কত বুঝান হইয়াছে, কত কাকুতি মিনতি করা হইয়াছে, তিনি কাহারও কথায় কর্ণপাত করেন নাই । তার পর বায়াজিদ বাদশাহ হইলেন । এক বৎসর ঘাইতে না ঘাইতে পাঠান সর্দারেরা ষড়যন্ত্র করিয়া তাঁহাকে হত্যা করিল । বাদশাহের কনিষ্ঠ দাউদ শাহ বাঙ্গালার সিংহাসনে প্রতিষ্ঠিত হইলেন । তখনও তাঁহার ১,৪০,০০০ পদাতিক সৈন্য, ৪০,০০০ অশ্বারোহী সৈন্য, ৩, ৬০০ রণহস্তী, ২০,০০০ কামান । কিন্তু পাঠান সর্দারেরা পূর্বের শ্রায় একতাবদ্ধ নয়, প্রজারাও তাহাদের উপর সন্তুষ্ট নয় । ইহারা সমবেতশক্তি লইয়া মোগলের গতিরোধ করিতে দাঁড়াইলে, মুনিম খাঁ বা টোডর মল্লের সাধ্য কি বাঙ্গালা আমাদের হাত হইতে কাড়িয়া লয় ? বাদশাহ বীরের শ্রায় প্রাণপণে যুদ্ধ করিতেছেন । বিরাম নাই, স্বস্তি নাই, মুহূর্তের জগ্ন রণসজ্জা ত্যাগ না করিয়া তিনি অটল সঙ্করে পাঠানরাজত্ব রক্ষা করিতে ব্রতী

জয়া ভাবিতে লাগিলেন, “ভগবান্ দয়াময়, তবে অবলার প্রতি তিনি নিষ্করণ কেন? শুধু কি কাঁদিবার জন্তই রমণীজীবন সৃষ্ট হইয়াছিল? হে দয়াল, হে অনাথনাথ, একটীবারও কি দাসীকে তাহার হৃদয়সর্বস্বকে দেখিতে দিবে না? আর পরীক্ষা করিও না, নাথ! এই নিরাশ-হৃদয়ে একবার আশা দাও, বল দাও, মর্ম্মের মাঝারে একবার বলিয়া যাও, তাঁহাকে দেখিতে পাইব।”

পতিবিরহে জয়া আহার নিদ্রা একরূপ ত্যাগ করিয়াছেন। না খাইলে নয়, আশ্রয়দাতা চণ্ডীপ্রসাদের স্ত্রী সুনন্দা কিছুতেই ছাড়েন না, তাই একটা কিছু সিদ্ধপোড়া রাখিয়া খাইতে বসিতে হয়। জয়া না খাইলে সুনন্দা খাইতে চান না। অগত্যা পীড়ার ভাণ করিয়া জয়া অর্দ্ধাশন ও প্রায়োপবেশনে দিন কাটাইতে লাগিলেন। একে নিয়ত বিমলার জন্ত দুশ্চিন্তা ও পতিবিরহক্লেশ, তদুপরি অনাহার। জয়া সত্যই অত্যন্ত রুগ্না হইয়া পড়িলেন। চণ্ডীপ্রসাদ কবিরাজ ডাকাইলেন। বৈগু পাচন ও বড়ির ব্যবস্থা করিয়া গেলেন। রোগিণী তাহার কিছুই গলাধঃকরণ করিলেন না। সুনন্দা ঔষধ খাইতে জিদ করিলে জয়া বলিতেন, “মা, আমার প্রাণের ভিতর যে বা হইয়াছে তাহা পাচন ও বড়িতে সারিবে নু। তোমরা কেন অনর্থক অর্থ অপব্যয় কর? তুমি রমণী, আমার অন্তঃস্থল দর্পণের মত দেখিতে পাইতেছ। তবে কেন এ বিষয়ে পীড়াপীড়ি কর?”

ক্রমে বিনা চিকিৎসায়, অনশনে ও দুর্ভাবনায় জয়ার শরীর অত্যন্ত রুগ্ন ও দুর্বল হইল, পীড়া কঠিন হইয়া দাঁড়াইল।

যেণী রায় ।

এখন হইতে জয়া অত্যন্ত অগ্ৰমনস্ক । দিনরাত্রি উদাসভাবে কি যেন ভাবেন । সবই তাঁহার ছিল, এখন কেন তাহা নাই ? দেবোপম পতির অগাধ ভালবাসা, সন্তানের সরল প্রাণের মধুর আকর্ষণ, গৃহ, পরিজন, আনন্দ, কি না ছিল ?—সব থাকিয়াও তিনি কোন্ অপরাধে তাহা হারাইলেন, অনাথা হইলেন ? পূর্বজন্মের কোন্ অভিশাপে তিনি এই বয়সে পতি ও ছুহিতার সঙ্গ হইতে জন্মের মত বঞ্চিত হইলেন, নিশ্চয় সমাজের চক্ষে চিরকলঙ্কিনী হইয়া রহিলেন ? অতি কষ্টে জয়ার গণ্ড বহিয়া অশ্রুধারা পড়িতে লাগিল । স্বামীর মঙ্গলের জন্ত তিনি স্বামীগৃহে যাইতে চান নাই, তাঁহার সুখের জন্ত আপনার সুখ কামনা করেন নাই, ভোগাকাঙ্ক্ষা করেন নাই । এখন পতিকে দেখিবার জন্ত যে ব্যস্ত হইয়াছেন তাহার কারণ, তিনি পতিকে শুধু ইহাই বলিতে চান যে তিনি রমণীর সারধর্ম্য সতীত্ব রক্ষা করিতে পারিয়াছেন । এ কথা না বলিয়া জয়ার মরিতে ইচ্ছা হয় না । নহিলে, যিনি মানসমুকুরে প্রেমময়ের মূর্তি সর্বদা দেখিতে পাইতেছেন তিনি কেবল নয়নের তৃপ্তির জন্ত তাঁহাকে দেখিতে চাহিবেন কেন ?

• জয়ার প্রেম স্ফটিকের গায় স্বচ্ছ, সিন্দুর গায় রত্নপ্রসূ, শূর্পের গায় সারগ্রাহী, গঙ্গার গায় মলবাহী ।

বেণী রায় ।

তাঁহাকে জিজ্ঞাসা করিল, “বাবু, কাছাকাটার পণ্ডিত মশাইএর ব্রাহ্মণী আপনার এখানে আছেন কি ?”

চণ্ডী । কার কথা জিজ্ঞাসা করিতেছ ?

লোচন । বেণী ঠাকুরের ব্রাহ্মণী, যাকে কামালপুরের খাঁ সাহেবেরা ধরিয়া লইয়া গিয়াছিল, তাঁর খবর চাই, বাবু !

এতদিন ধরিয়া চণ্ডীপ্রসাদ যে রহস্যোদ্বেদ করিতে পারেন নাই আজ তাহা এইরূপে সহসা জানিতে পারিয়া তিনি পুলকিত হইলেন। কহিলেন, “বেণী ঠাকুরের ব্রাহ্মণী যে এখানে থাকিতে পারেন কে তাহা তোমাদিগকে বলিল ?”

আগস্ত্যকন্য তখন তাহাদের সকল অনুসন্ধানের কথা তাঁহাকে জানাইল। সবিশেষ শুনিয়া তিনি উহাদিগকে জিজ্ঞাসা করিলেন, “ঠাকুর মশাই এখন কোথায় আছেন বলিতে পার কি ?”

কুম্ভ । তিনি মা ঠাকুরের শোকে কোথায় যে চ’লে গেছেন তা কেউ জানে না।

চণ্ডী । তাঁর বাড়ীতে কেউ আছে ?

কুম্ভ । ছিল সবাই, এখন কেউ নাই। টোল উঠে গেছে, ছেলেরা চলে গেছে, মেয়েটিকে ঠাকুর মশাই সাতোঁড়ে রেখে গেছেন। ঘর দুয়ার সব শ্মশান হয়েছে। আহা, এমন লোকের এমন সর্বনাশ হয় !

চণ্ডী মনে মনে কহিলেন “ধন্য মা, তোমার দৃঢ়তা। স্বামীর ও কন্যার মঙ্গলের জন্ত তুমি একটিবারও আপনার মঙ্গলের দিকে ফিরে চাও নাই, নিজের সুখ পায়ে ঠেলেছ! যে সব ভয়ানক

বেণী রায় ।

হৃষীকেশ । (হাসিতে হাসিতে) সে আর হইতেছে না ।
আমার হাতে এক বড় যজমানের কাজ আছে ।

সুরেশ্বরী । আগে আমার কাজ ক'রে তোমার যজমানের
কাজে যেও ।

হৃষীকেশ । তাও কি হয় ? বাতায় (ব্যত্যয়) হইবে ।
“যৎকিঞ্চিৎ কাঞ্চনমূল্যং ব্রাহ্মণায়”—আহা—

সুরেশ্বরী । তবে আমি লোচনকেই সঙ্গে নিয়ে যাব ।

হৃষীকেশ ভাবিলেন, তাঁর স্ত্রীর পক্ষে উহা অসম্ভব নয় । সে
যে আরো বিপদের কথা । তিনি অনুনয় বিনয় করিয়া অনেক
অনুরোধ করিলেন । সুরেশ্বরী কোন কথা শুনিলেন না । অগত্যা
তাঁহাকে লইয়া পোতাজিয়ায় যাইতে হইল । কিন্তু গ্রামে প্রকাশ
থাকিল, সুরেশ্বরী কামালপুরে পতিগৃহে যাইতেছেন ।

বোবার মা বলিল, “কি গো, দিদিমণিকে নিয়ে খাঁসাহেবদের
গায়ে যাচ্চ । ভয় করে না ?”

হৃষীকেশ । সে বিষয়ে নিশ্চিত থাক । আমাদের গ্রামের
হৃদাস্ত যবনদের ফৌজদার গারদে পুরিয়াছে ।

যথাসময়ে হৃষীকেশ সস্ত্রীক পোতাজিয়ায় পঁহুছিলেন । চণ্ডী-
প্রসাদ যে আশঙ্কা করিয়া স্ত্রীকে বা জয়াকে কাছিকাটার কোন
সংবাদ জানান নাই, এবার তাহা প্রকাশ হইয়া পড়িল । চণ্ডী-
প্রসাদ বাড়ীতে ছিলেন না । সুনন্দা কিছু জানিতেন না । সূতরাং
কোনরূপ সতর্কতা অবলম্বন করা হইল না । সুরেশ্বরী অস্তঃপুরে
প্রবেশ করিয়া সুনন্দার সহিত সোজামুজি জয়ার নিকটে গিয়া

দ্বাদশ পরিচ্ছেদ ।

সর্দার জম্বেদ খাঁ ফৌজদারের কার্যে ইস্তফা দিয়া যুদ্ধরূপে গৌড় বাদশাহ দাউদ শাহের সহিত রণক্ষেত্রে মিলিত হইলেন । বাদশাহের কাজ করিতে পারিলেই তাঁহার আনন্দ,—তা' শাসন বিভাগেই হউক বা সমর বিভাগেই হউক । বিশেষ, যেরূপ দিনকাল পড়িয়াছে তাহাতে প্রাণপাত করিয়াও যদি পাঠানরাজত্ব রক্ষা করা যায় সে কম সৌভাগ্যের কথা নহে । আর দুর্দৈববশতঃ অসাফল্যই যদি হয় সেও সুখের, কারণ বাদশাহের জন্ত শরীরের শেষ রক্তবিন্দু পর্য্যন্ত পাত করিয়া যে তৃপ্তি তাহা সামান্য নয় । বিধিস্ত বীর জম্বেদ খাঁকে পাইয়া দাউদ শাহও অত্যন্ত সন্তুষ্ট হইলেন । অচিরে স্বীয় দক্ষতার ফলে সর্দার সাহেব জনৈক প্রধান-সেনানায়ক পদে উন্নীত হইলেন । তাঁহাকে অবিশ্রান্ত ও অক্লান্তভাবে সংগ্রামতৎপর দেখিয়া সেনানীগণের নিরাশহৃদয়ও উৎসাহে নৃত্য করিয়া উঠিল ।

এদিকে জম্বেদ খাঁর স্থলে জেকি খাঁ ফৌজদার হইয়া আসিয়াছেন । তিনি ভালমানুষ হইলেও অত্যন্ত দুর্বলচিত্ত বলিয়া শাসনকর্তারূপে কোন যোগ্যতা দেখাইতে পারেন নাই । উজিরেরা তাহিয়াছিলেন একজন অনুগত সাদাসিধা লোক, যে নিজের কোন স্বাতন্ত্র্য দেখাইবে না, উপরওয়ালার মর্জি অনুসারে

বেণী রায় ।

চলিবে । জেকি খাঁ ঠিক সেইরূপ লোক । তিনি নিজের বুদ্ধির দ্বারা পরিচালিত না হইয়া দেশের বুদ্ধি লইয়া রাজকার্য্য নিৰ্ব্বাহ করিতেন । বুদ্ধিদাতারা তাঁহারই তাঁবেদার, স্বার্থান্বেষী কর্ম্মচারী । জম্‌সেদ খাঁর আমলে যাহারা কখন মাথা তুলিবার সাহস পায় নাই, এখন নূতন ফৌজদারের সময়ে সুযোগ বুঝিয়া তাহারা আপন আপন অভিপ্রায়সিদ্ধি করিয়া লইতে লাগিল । জেকি খাঁ তোষামোদ বড় ভাল বাসিতেন । মন্দ লোকদের তাই খুব সুবিধা হইল । শক্তি যেখানে, চাটুকার সেখানে । ফৌজদারকে ঘিরিয়া চাটুকারদের দল খুব ঘ্যান্ ঘ্যান্—ভন্ ভন্ আরম্ভ করিয়া দিল । স্তব স্তুতি ও ভোজ্যাদিতে দেবতারা তুষ্ট ! জেকি খাঁ তো সামান্য ফৌজদারমাত্র । তিনি ছুরভিসন্ধি ব্যক্তিদিগের নিকট হইতে নিয়ত তোষামোদ ও ভেট পাইয়া তাহাদিগকে ঈপ্সিত বর দিতে লাগিলেন । দেখিয়া শুনিয়া অনেক ভালমানুষও ফৌজদারের কুঠিতে সেলাম বাগাইতে ও ধরনা দিতে গেল । কেননা, ফৌজদারের জানিত ব্যক্তি হইলে তুষ্ট লোকে বা গোয়েন্দারা হঠাৎ কোন উপদ্রব করিতে সাহসী হয় না । জম্‌সেদ খাঁর সময়ে এ সব ল্যাঠা ছিল না । এখন এই বাজে কাজই একটি প্রধান কাজ হইয়া দাঁড়াইল ।

জেকি খাঁ ফৌজদার হইয়া আসিয়া সর্বপ্রথমে জলিল খাঁকে মুক্তিদান করেন । কিন্তু জলিল তাহার বন্ধু খলিল প্রভৃতি কয়েক থাকিতে আপনি খালাস হইতে চাহিল না । সে ফৌজদারকে জানাইল, “আমার নিরপরাধ সঙ্গীগণ আমারই জন্ত শাস্তিভোগ

বেণী রায় ।

বলিয়া হিঁদুদের একটা কথা আছে, ফৌজদারকে ভেট দিয়া আরো কিছু খোসমেজাজে রাখিলে ভবিষ্যতে তোমার ইয়ারদের বিপদে অনেক ফল হবে ।”

জলিল এখন হইতে আবার সবান্ধবে বে-পরওয়া হইয়া গেল । মধ্যবিত্ত ও দরিদ্র ঘরের রূপবতী ললনারা ভয়ে কানালপুরের বিশ ত্রিশ ক্রোশ জমি ছাড়িয়া পলায়ন করিলেন ।

জেকি খাঁ নামে ফৌজদার । তাঁহার অধীনস্থ কর্মচারীরাই প্রকৃতপক্ষে হর্তাকর্তাবিধাতা । তাহারা খাঁসাহেবকে যেমন বুঝাইত তিনি সেইরূপই বুঝিতেন । কাজেই অনেক অন্টার হুকুমে ও পরওয়ানায় তিনি নামসহি করিয়া যাইতেন । প্রজারা তাঁহার উপর বিরূপ হইল, পরগণার পর পরগণা বিদ্রোহী হইল । কর্মচারীদিগের আরো সুবিধা । তাহারা এই সুযোগে বেশ অর্থ উপার্জন করিয়া লইল ও ভয়ানক উৎপীড়ন আরম্ভ করিয়া দিল । প্রজাদের স্বজাতিরাই প্রকৃত অত্যাচারী হইলেও হতভাগ্য জেকি খাঁরই অত্যাচারী বলিয়া অপবাদ রটিল ।

রাজীব সাহা ও আল্ফুনিঞা প্রভৃতি বিবেকবিরহিত ঐশ্বর্য্যকামী ভূস্বামীগণ জম্‌সেদ খাঁর আনলে উচ্ছৃঙ্খলতার কোনরূপ সুযোগ না পাইলেও জেকি খাঁকে নানারূপ স্তোকবাক্যে ও উপঢৌকনে তৃপ্ত করিয়া সোৎসাহে প্রজার রক্তশোষণ করিতে লাগিলেন ও দুর্বল পারিপার্শ্বিক জমিদারদিগের সর্বনাশের উপর আপনাদের বিভবের প্রতিষ্ঠা করিয়া লইলেন । কুচক্রী কুটবুদ্ধি ব্যক্তিদিগের এখন অব্যাহত প্রতাপ, শাস্ত শিষ্ট ধর্ম্মভীরু ব্যক্তি-

ত্রয়োদশ পরিচ্ছেদ ।

গোবিন্দ সিংহের সহিত শ্রীপুরের বনে বাস করিতে করিতে বেণীমাধব শীঘ্রই বৃষ্টিতে পারিলেন, এই দস্যুসর্দারের দল সাধারণ দস্যুদিগের হইতে ভিন্ন প্রকৃতির । ইহারা অনর্থক পরপীড়া জন্মায় না, অনাবশ্যক লোকহত্যা করে না, দুষ্টির ধন কাড়িয়া লয়, দাখ্যমত পরের উপকার করে । প্রবলেরই ইহারা প্রধান শত্রু । ক্রমে বেণী রায়ের সহিত গোবিন্দ সিংহের বিশেষ ঘনিষ্ঠতা দাড়াইল ।

দলপতি তাঁহাকে প্রথম হইতেই ভালবাসিতেন । বোধ হয় ইহকালের সকল পরিচয় পূর্বজন্মসম্বন্ধী । তাই প্রথম দর্শনেই কাহাকেও ভাল লাগে, কাহাকেও শত্রু বোধ হয় । একদিন সর্দার গোবিন্দ সিংহ তাঁহার পূর্বকথা বলিতে বলিতে বেণীকে কহিলেন, “ভাই, তোমাকে দেখিয়া অবধি আমার মন তোমার প্রতি কেমন আসক্ত হইয়া পড়িয়াছে । আমার একটি ছোট ভাই ছিল । সে ঠিক তোমারই মত দেখিতে । যতবার তোমাকে দেখি ততবার মনে হয় আমি আমার সেই ভাইটিকে দেখিতেছি । তুমি আমার সঙ্গে থাকিবে ?”

“আপাততঃ আছি বৈ কি ? এই বন ছাড়িয়া যাইতে আমারও ইচ্ছা করে না, দাদা !” এখন হইতে বেণীমাধব গোবিন্দ সিংহকে ‘দাদা’ বলিয়া ডাকিতেন ।

বেণী রায়।

বেণী। বেশ, তা' মন্দ কি ?

সেই হইতে বেণীমাধব গোবিন্দ সিংহের নিকট লাঠিখেলা, অস্ত্রবিদ্যা, ধনুর্বিদ্যা, মল্লযুদ্ধ ও বন্দুক চালনা প্রভৃতি শিক্ষা করিতে লাগিলেন। কয়েক মাসের মধ্যেই তাঁহার অপরিমিত পারদর্শিতা দর্শনে সর্দার পুলকিত হইলেন। একদিন বনপার্শ্বস্থ প্রান্তরে নিস্তরক নিশীথে দলপতির অনুজ্ঞাক্রমে কৃত্রিম যুদ্ধ হইল। তাহাতে বেণীমাধব অসামান্য নৈপুণ্য প্রদর্শন করিলে সর্দার মুগ্ধ হইয়া কহিলেন, “ভাই, মনে করিয়াছিলাম, তোমার জ্ঞানই অগাধ, এ সব কাজে তুমি কৃতিত্ব দেখাইতে পারিবে না। আজ আমার সে ভ্রম ঘুচিয়াছে। এখন হইতে আমার দৃঢ় প্রত্যয় জন্মিয়াছে, এই দুর্দিনে তুমি বরেন্দ্র ভূমের মানসম্মত রক্ষা করিতে পারিবে, আর্ন্তকে ত্রাণ করিতে পারিবে, তোমার সাহসে, বাহুবলে ও কৌশলে পাষণ্ডের ত্রাস জন্মিবে ও লোকে ধর্মকর্ম নির্বিলে করিতে পারিবে।”

* * * * *

এদিকে জয়া মৃত্যুশয্যায় শায়িতা। সুনন্দা অক্লান্তভাবে তাঁহার সেবা করিতেছেন। রোগিণীর সকল লক্ষণই খারাপ। তার উপর তিনি ঔষধ সেবন করেন না, জীবনের মায়া একেবারে ছাড়িয়া দিয়াছেন।

একদিন জয়া বলিলেন, “মা নন্দা, তুমি আমার জন্ত এত করছ কেন ? আমার দিন ফুরিয়ে এসেছে।”

চণ্ডী তখন ছেলেমানুষ । সে আমাকে না চিনিলেও আমি তাহাকে
ভুলি নাই । স্থির জানিও, তাহাকে উদ্ধার না করিয়া আমি
জলবিন্দু স্পর্শ করিব না । কেমন, তোমরা প্রস্তুত ?”

সকলেই সম্মুখে তাহাতে সম্মতি জানাইল, কিন্তু দলপতিকে
সহিতে বারণ করিল । বেণী রায় বলিলেন, “আজ বড়ই ঠাণ্ডা
পড়িয়াছে । আপনার যাওয়া ঠিক হইবে না । এ কাজ আমরাই
উদ্ধার করিয়া আসিতে পারিব ।”

গোবিন্দ সিংহ । ভাই, বুড়া হাড়ের জন্ত বেণী চিন্তা করিও
না । চণ্ডীকে আমি নিজে খালাস করিতে না পারিলে আমার
মনের তৃপ্তি হইবে না ।

গোবিন্দ সিংহ স্থিরসঙ্কল্প, কোন নিষেধ মানিলেন না । তখন
বেণী রায় বলিতে লাগিলেন, “সংবাদদাতার মুখে যেরূপ শুনিলাম,
তাহাতে আমার মনে হয় শুধু চণ্ডীপ্রসাদ কেন, কারারুদ্ধ সকল
ব্যক্তিকে মুক্তিদান করা সম্ভব । তাহাতে আমাদের লাভ যথেষ্ট ।
যদি আমরা বন্দীদিগকে উদ্ধার করিতে পারি তাহা হইলে
তাহারা কোনমতে গৃহে ফিরিয়া যাঁতে পারিবে না । কারণ,
তাহাদিগের পুনরায় গ্রেপ্তার হইবার ও গুরুতর দণ্ড ভোগ
করিবার বিশেষ ভয় রহিলে । এমতস্থলে যদি তাহাদিগকে
এই বনে আশ্রয় দিবার প্রস্তাব করা যায় তবে তাহারা সানন্দে
আমাদের অনুগমন করিবে । মুক্তির জন্ত ও আশ্রয়লাভের জন্ত
তাহারা উভয়তঃ আপনার নিকট কৃতজ্ঞ রহিবে । ভাবিয়া
দেখুন, এইরূপে দল পুষ্ট করায় লাভ কত । আমাদের

বেণী রায় ।

বর্ধিত শক্তির নিকট অত্যাচারীদের শক্তি ক্ষীণ হইবে, দুর্বৃত্তদিগের যথেষ্টচারিতার স্রোত রুদ্ধ হইবে, তাহারা আর যাহা খুসী তাহা করিতে পারিবে না । তাহাদিগের কার্যে বাধা দিবার জন্ত এক বিরাট সম্প্রদায় আছে জানিলে তাহাদের অত্যাচার অনেক কমিবে । তাই বলি, যখন সরকারি কারাগার আক্রমণ করাই স্থির হইল তখন সকল কয়েদীকে মুক্ত করাই সঙ্গত নহে কি ?”

গোবিন্দ সিংহ এই প্রস্তাব সোৎসাহে অনুমোদন করিলেন । কালবিলম্ব না করিয়া দস্যুগণ অস্ত্রশস্ত্র লইয়া কারাগার অভিমুখে যাত্রা করিল । বেণীমাধবও তাহাদের সঙ্গে চলিলেন ।

নিবিড় নিশীথে কারাগারের প্রহরীরা নিশ্চিন্ত মনে বিশ্রাম সুখ উপভোগ করিতেছিল । কেহ বিমাইতেছিল, কেহ ঘুমাইতেছিল, কেহ বিরহিণী প্রণয়িণীর সহিত মিলনের সুখস্বপ্ন দেখিতেছিল । মন্দের ফাটকের দুইজন সান্ত্বী সজাগ থাকিয়া প্রহরা দিতেছিল । তাহাদের একজন অগ্রতমকে বলিল, “এ ভজন সিং, ইধার কোই আদমি আ রহা হায় ?” ভজন সিং বলিল, “সাচ্‌মুচ্‌ ভাইয়া,— কোই শালা চোটা নিকাল্‌ যা রহা হায়,—এ, হে, কো হায় ?”

আর কো হায় ? আক্রমণকারীরা যুগপৎ তাহাদিগের উপর লাফাইয়া পড়িল । তাহাদের নিদ্রাভঙ্গ হইল তাহারা উঠিয়া দাঁড়াইতে না দাঁড়াইতে উহারা তাহাদের বন্দুক ও তলোয়ার কাড়িয়া লইল ।

কারাধ্যক্ষ সরকারের জন্ত প্রাণপণে লড়িয়া নিহত হইলেন ।

চতুর্দশ পরিচ্ছেদ।

ইহার পর আর কয়েকজন হতাহত হইতেই অবশিষ্ট সান্দ্রীরা পৃষ্ঠভঙ্গ দিল। কারাগারের চত্বরের মধ্যে যে সব সিপাহী প্রহরা দিতেছিল গোলযোগ শুনিয়া তাহারা সঙ্গীদিগের সাহায্যে উপস্থিত হইয়াছিল। কিন্তু সকলে যাহা করিল উহারাও তাহাই করিল, অর্থাৎ পরিপাটিক্রমে চম্পট দিল। গোবিন্দ সিংহ ও বেণী রায় তখন প্রত্যেক কক্ষ হইতে বন্দীগণকে মুক্ত করিলেন। মুক্ত ব্যক্তিগণের মধ্যে চণ্ডীপ্রসাদকে দেখিয়া দলপতি অত্যন্ত সন্তুষ্ট হইলেন।

তাঁহার আদেশক্রমে বন্দীরা তাঁহার অনুগমন করিতে লাগিলেন। এই ভাবে বহু গ্রাম ও প্রান্তর অতিক্রম করিতে করিতে রজনী প্রভাত হইলে সকলে শ্রীপুরের বনের ভিতর প্রবেশ করিলেন। তখন গোবিন্দ সিংহ কহিলেন, “আজ আপনারা এই বনে আমার অতিথি।”

চণ্ডীপ্রসাদ জিজ্ঞাসা করিলেন, “আজ আমরা যঁহার কৃপায় কারামুক্ত হইলাম, তাঁহার নাম জানিতে পারি কি?”

গোবিন্দ সিংহ। চণ্ডী, সে তোমাদেরই আশ্রিত—গোবিন্দ সিংহ।

দস্যুসর্দার গোবিন্দ সিংহের নাম সে অঞ্চলে সকলেই জানিত। মুক্ত ব্যক্তির সন্নিহিত ও সকৌতূহলে তাঁহার মুখের প্রতি চাহিয়া রহিলেন। সকলের চেয়ে বিস্মিত হইলেন চণ্ডীপ্রসাদ রায়। তিনি ভাবিতে লাগিলেন, “ইনি আমাকে ভাল রকমই চেনেন দেখিতেছি। অথচ ইহার সঙ্গে আর কখন দেখা হইয়াছে বলিয়া ননে তো পড়ে না।”

চতুর্দশ পরিচ্ছেদ ।

পারিতেছি। কিন্তু আপনাদের প্রয়োজন না জানিতে পারিলে আমি আপনাদিগকে বিপদের মুখে যাইতে দিতে পারিতেছি না।”

যুগল। তবে শুনুন। চণ্ডীর বাড়ীতে আমাদের এক বিপনা ধর্ম-মা আছেন। তিনি যখন মৃত্যুশয্যা শায়িতা তখন আমরা বন্দী হই। এখন তিনি কেমন আছেন তাহা জানিবার জন্য আমরা বড়ই উদ্বিগ্ন আছি।

গোবিন্দ সিংহ। উভয়ের ধর্ম-মা? রুগ্না, বিপনা কে এই রমণী?

যুগল ও চণ্ডী আর কিছু বলিতে ইতস্ততঃ করিতে লাগিলেন। তাহাতে গোবিন্দ সিংহ বলিলেন, “আপনারা আমার শয্যাপাশ্বে যাঁহাকে দেখিতেছেন তাঁহার সম্মুখে কোন কথা বলিতে দ্বিধানোদ করিবেন না। ইনি আমার সহোদরতুল্য, পরম ধার্মিক, পণ্ডিত বেণীমাধব রায়।”

যুগল ও চণ্ডী উভয়েই সহসা চমকিয়া উঠিলেন। তাহা দেখিয়া দলপতি বলিলেন, “ইহার পরিচয়ে তোমরা এমন চঞ্চল হইয়া উঠিলে কেন?”

চণ্ডী দীর্ঘশ্বাস ত্যাগ করিয়া বলিলেন, “আমাদের ধর্ম-মা ইহারই হতভাগিনী স্ত্রী।”

ইহা শুনিয়া বেণীমাধব বস্ত্রহতের শ্রায় স্তব্ধ হইয়া রহিলেন। তাঁহার বাক্যক্ষুণ্ণ হইল না।

তখন গোবিন্দ সিংহের অনুরোধে যুগল ও চণ্ডী জয়ার উদ্ধার হইতে আনুপূর্বিক সকল ঘটনা সবিস্তারে বলিতে লাগিলেন।

বেণী রায় ।

জয়া আনন্দবিস্ময়বিজড়িতস্বরে বলিলেন, “আমায় চরণে স্থান দিবে ?”

রোগিণী আবার মূচ্ছিতা হইলেন। তাঁহার ঘন ঘন মূচ্ছা হইতে দেখিয়া সুন্দার ভয় হইল। তিনি পুত্রের দ্বারা বেণী-মাধবকে জানাইলেন, তাঁহার পক্ষে আপাততঃ রোগিণীর নিকটে না থাকাই ভাল। ঠাকুরাণীর অবস্থা যেরূপ দেখা যাইতেছে তাহাতে হঠাৎ এতটা আনন্দে কোনরূপ বিপদ হইতে পারে।

বেণীমাধব বাহিরের কক্ষে গেলেন। চণ্ডীপ্রসাদের পুত্র কবিরাজ মহাশয়কে ডাকিতে গেল। জ্ঞানলাভ করিয়া জয়া ক্ষীণকণ্ঠে বলিলেন, “কোথায় তুমি, দেবতা ?”

সুন্দা কহিলেন, “ঠাকুর বাহিরে আছেন। আপনি একটু শান্ত হইলেই তিনি আবার আসিবেন।”

জয়া। নন্দা, তাঁকে দেখা, আবার দেখা, মা !

বেণীমাধব আসিলেন। তখন জয়া বলিলেন, “নাথ, আমি তোমারই আশীর্বাদে ধর্ম রক্ষা করিতে পারিয়াছি।”

বেণী। আমার হৃদয় তাহা পূর্বেই বলিয়া দিয়াছে, সতি !

জয়া। তোমার চরণছটি আমার মাথার উপর রাখ, প্রভু !

বেণী যন্ত্রচালিতের মত তাঁহা করিলেন। তারপর জয়া অতিশয় কাতর কণ্ঠে কহিলেন, “দাসীকে এই চরণে জন্মে জন্মে স্থান দিও, নাথ !”

বেণীমাধবের হৃদয়ের সুপ্ত আবেগগুলি জাগিয়া উঠিতেছিল,

পঞ্চদশ পরিচ্ছেদ

তিনি গদগদস্বরে কহিলেন, “জয়া, ইহকালে পরকালে আমি তোমারই।”

অভাগিনী এখন আর বিবাদিনী নহেন। তাঁহার মুখমণ্ডল পুলকে প্রফুল্ল হইয়াছে। তিনি ধীরে ধীরে কহিতে লাগিলেন, “হৃদয়সর্বস্ব, আমি সব হারাইয়া, সব খোয়াইয়াও যে তোমার করুণায় বঞ্চিত হই নাই, ইহাই আমার পরম লাভ।”

বেণীমাধবের একবার মনে হইল, জয়া বুঝি বাঁচিবে, আবার অনুমান হইল, হয়ত ইহা নির্ঝাঁগোশ্মুখ দীপের শেষ দীপ্তি, ক্ষণিক, ম্লানোজ্জ্বল। পরবর্তী ধারণাই ঠিক হইল। জয়ার জীবনীশক্তি দ্রুতভাবে ক্ষীণতর হইয়া আসিতেছিল। তিনি এবার অতি মৃদু কণ্ঠে কহিলেন, “নাথ, আমি চলিলাম,—বিমলাকে দেগিও,— আশীর্বাদ কর, পরজন্মে যেন তোমাকে পাইয়া না হারাই।”

ইহার পর জয়ার বাকরোধ হইল। তাঁহার অঙ্গ অসাড় ও চক্ষুতারকা স্থির হইল, জীবনপ্রদীপ নির্ঝাঁপিত হইল। বেণীমাধবের চিত্ত সংঘমের রাশ আর মানিল না। তিনি বালকের শ্রায় কাঁদিয়া উঠিলেন।

হার মানুষের সুখ! অনন্ত দুঃখের ঘনাকারে চপলার বিকাশের মত কত ক্ষণিক, কত অস্থির তুই! চপলা এই হাসে, এই মিলায়, আঁধার বাড়াইয়া দেয়; মানুষের সুখও সেইরূপ,— এই আসে, এই যায়, দুঃখ বাড়াইয়া যায়।

ষোড়শ পরিচ্ছেদ ।

জয়ার শোকে বেণীমাধব চেতনাশূন্য কঙ্কালের ত্রায়, দিবাকর-
-ভীন সৌরজগতের ত্রায়, রাহুগ্রস্ত নিশাকরের ত্রায়, প্রতিমাশূন্য
দশমীর মণ্ডপের ত্রায়, অপ্রবুদ্ধপ্রত্যয় দেশের ত্রায় থাকিয়া না থাকার
মত হইলেন, তাঁহার বাঁচিয়া থাকিতে ইচ্ছা রহিল না । পরক্ষণেই,
যে পাষাণদিগের অত্যাচারে তিনি প্রেমপ্রতিমাকে অকালে বিসর্জন
দিতে বাধ্য হইলেন তাহাদের রক্তে বসুকরা রঞ্জিত করিতে সক্ষম
করিলেন । প্রতিহিংসায় তাঁহার প্রত্যেক শোণিতবিন্দু উত্তপ্ত
হইয়া উঠিল । সেই সঙ্গে হৃদয়ে দুষ্কৃতদলনের তীব্র বাসনা জাগিয়া
উঠিল । মার মূর্তি আবার তাঁহার মনোমধ্যে সপ্রকাশ হইল ।
যে চক্ৰমকির পাথর ঘর্ষণের অপেক্ষায় ছিল তাহা জ্বলিয়া উঠিল,
অরণির অগ্নির অব্যক্তস্বরূপ ব্যক্ত হইল, অনলগর্ভ গিবির গর্ভস্থ
অগ্নি বাহির হইয়া পড়িল । চারিদিকে সূচীভেদে অন্ধকার, তাহার
মধ্যে একটি বিদ্যাতের জন্ম হইল, কালধর্ম্মে একটি ধূমকেতুর, একটি
উদ্ধাপিণ্ডের সৃষ্টি হইল, সাত্ত্বিক পণ্ডিত বেণীমাধবের রাজসিক
স্বরূপ বিকশিত হইল । ইহাতে বৈচিত্র্য কি ? জগৎ নিত্য-
পরিবর্তনশীল । পরিবর্তনই তাহার ধর্ম্ম । মানুষের জীবনও
সেইরূপ । আজ যেখানে সূপ্তি, কাল সেখানে জাগরণ ; আজ
যেখানে শান্তি, কাল সেখানে চাঞ্চল্য ; আজ যেখানে বীণার তান,
কাল সেখানে তন্দুভিনিদাদ ; আজ যাহারা নির্বিরোধী, কাল
তাহারা দুর্দর্ষ । পাঠানদিগের রাজত্বের শেষকালে যে সকল
অত্যাচার উৎপীড়ন আরম্ভ হয় তাহার প্রতিকারকল্পে যে শক্তির
উদ্ভব হয় তাহারই পূর্ণ পরিণতি বেণী রায় ।

প্রথম পরিচ্ছেদ ।

দলপতি হইয়া বেণী রায় দলসংস্কারে ব্রতী হইলেন । যাহাদের নীতি ভেমন উন্নত ছিল না তাহারা তাঁহার সংস্পর্শে সন্নীতিপরায়ণ হইল, যাহাদের আদর্শ সুস্পষ্ট বা মহৎ ছিল না তাহারা একটা উজ্জ্বল উচ্চ আদর্শে অনুপ্রাণিত হইয়া উঠিল । বেণীমাধব তাঁহার সঙ্গীদিগকে কয়েকটি অঙ্গীকারে আবদ্ধ করিলেন । তন্মধ্যে যাহা প্রধান তাহা নিম্নে বিবৃত হইল ;—

(১) লক্ষ্য, আর্ন্তের ত্রাণ ও দুষ্টির দমন ; পণ, জীবন ; ইহাতে হিন্দুমুসলমান বিচার করা হইবে না ।

(২) কোন স্ত্রীলোক বা বালকের উপর কেহ অত্যাচার উৎপীড়ন করিতে পারিবে না ; তাহাদিগকে কেহ ধরিয়া লইতে পারিবে না বা তাহাদের অলঙ্কার স্পর্শ করিতে পারিবে না ।

(৩) বরেন্দ্রভূমে কাহাকেও হিন্দুর ধর্ম্মে হস্তক্ষেপ করিতে দেওয়া হইবে না ।

এখন হইতে ডাকাতির সুর বদলাইয়া গেল, সচরাচর যাহাকে ডাকাতি বলে তাহা উঠিয়া গেল । বেণীরায়ের দল অনেক ডাকাতিতে উপর ডাকাতি করিয়া তাহাদিগকে উত্যক্ত করিয়া বরেন্দ্র ভূমির বাহির করিয়া দিল । বহু অনাথ ও অনাথা এবং নিঃস্ব পরিবার বেণী রায়ের নিকট হইতে মাসিক বৃত্তি পাইতে লাগিল । কোন স্থানে স্ত্রীলোকের উপর বা দুর্ব্বলের উপর

প্রথম পরিচ্ছেদ।

আত্মগোপন করিয়া থাকার বন্দোবস্ত করা হইল। অনেকগুলি দীর্ঘ পান্সী তৈয়ার হইয়া আসিল। চরের ভিতর এক কালী মূর্তি প্রতিষ্ঠিত হইল। একজন তান্ত্রিক পুরোহিত দেবীর পূজারি নিযুক্ত হইলেন।

বেণী রায়ের চর সর্বত্র ঘুরিয়া বেড়াইত। মাঝি, পানওয়ালী, বৈষ্ণবী, বারবানিতা, দোকানদার, নাপিত, মুঞ্চিল আসান প্রভৃতি অনেকে তাঁহার গোয়েন্দার কাজ করিত। ইহাদের মুখে কোথাও কোন অত্যাচার উৎপীড়ন হইতেছে জানিতে পারিলে পণ্ডিত ডাকাইতের দল তাহা তৎক্ষণাৎ দমন করিত। ক্রমে ইহাদের প্রতি লোকের সহানুভূতি বাড়িতে লাগিল।

জলিল ও খলিল প্রভৃতির উপর প্রতিহিংসা লইবার জন্ত বেণী রায় প্রথম হইতেই অবসর খুঁজিতেছিলেন। এই দুর্কৃত্তদিগের সহিত জেকি খাঁর ইদানীং মাথামাথি ভাব খুব বাড়িয়া গিয়াছিল। তাহারা ফৌজদারের কুঠিতে কখনও নাচ তামাসা দেখিয়া বেড়াইত, কখনও আপনাদের বাড়ীতে মাইফিল মুজরা দিত, কখনও কোন তরুণীর উপর অত্যাচার করিবার সুযোগ খুঁজিত। কামালপুর হইতে জলিল ও খলিলকে ধরিয়া আনিতে বেণী রায় যুগল ও চণ্ডীকে সদলবলে পাঠাইয়া দিলেন।

তৃতীয় প্রহর রাত্রে কামালপুরের সদর ঘাটে পঁছিয়া চণ্ডী যুগলকিশোরকে বলিলেন, “যুগলদা, তুমি খলিলের বাড়ী আক্রমণ করিতে যাও, জলিল বেটার উদ্দেশে আমি যাইব।”

যুগল। কিন্তু দেখো যেন জ্যান্তে ধরিয়া আনিতে পার।

বেণী রায় ।

রাগ সামলাইতে না পারিয়া একেবারে মুণ্ডটা উড়াইয়া দিও না ।

চণ্ডী । ভাল কথা মনে ক'রে দিয়েছ । বেটাকে ধ'রে এনে কৈতের চরে বলি দেওয়া যাবে, কি বল ?

যুগল । সেই ভাল ।

যথাসময়ে জলিল ও খলিলের বাড়ী যুগপৎ আক্রান্ত হইল । চণ্ডী জলিল খাঁর বাড়ী ঘেরাও করিয়া কাহাকেও বাহিরে যাইতে দিলেন না । সর্দারের লোকজন এই অতর্কিত আক্রমণের বেগ সহিতে না পারিয়া আত্মসমর্পণ করিলে চণ্ডী তাহাদিগকে বাঁধিবার হুকুম দিলেন । জলিলকে তিনি নিজেই এমন কঠোরভাবে বাঁধিলেন যে বাঁধনের দাগগুলি বেত্রাঘাতে ফাটিয়া পড়ার মত দেখাইতে লাগিল । প্রহারের চোটে জলিল তাহার গুপ্তধন ও অন্ত্য বহুমূল্য রত্নসামগ্রী দেখাইয়া দিলে চণ্ডীর দলের লোকেরা তাহা চটপট লুণ্ঠিয়া লইল ।

তারপর চণ্ডী জলিলকে কহিলেন, “মনে পড়ে, খাঁ সাহেব, একদিন এই সদরঘাটে তুমি কাছিকাটার এক ব্রাহ্মণপত্নীকে ধরিয়া লইয়া যাইতেছিলে, আমরা তাঁহাকে তোমার হাত হইতে উদ্ধার করি ? সেই ঠাকুরাণী আমার ধর্ম্ম-মা । তাঁহার উপর যে অত্যাচার হইয়াছে আজ তাহার প্রতিশোধ লইব । এই রমণীদের মধ্যে তোমার স্ত্রীকে সনাক্ত কর ।”

জলিল কোন উত্তর দিল না । চণ্ডী কহিলেন, “বটে, সনাক্ত করিবে না ? ভাবিয়াছিলাম, শুধু তোমার স্ত্রীকে ধরিয়া

বেণী রায় ।

দস্যুরা চণ্ডীর ব্যবহারে প্রথমে স্তম্ভিত হইয়াছিল, এখন তাঁহার উদ্দেশ্য বুঝিতে পারিয়া নিশ্চিত হইল ।

রমণীরা চলিয়া গেলে চণ্ডী জলিলের বাড়ীতে আগুন লাগাইয়া দিলেন । নিজের বাড়ী চক্ষুর সম্মুখে এইরূপে পুড়িয়া ছাই হইতেছে দেখিতে দেখিতে জলিল দস্যুদিগের সহিত সদরঘাটে পহঁছিল । সেখানে খলিল ও আর দুইটি দুর্ভুক্তকে দেখিতে পাইয়া চণ্ডী জলিলকে কহিলেন, “খাঁ সাহেব, এই যে তোমার দোসরা তোমার অপেক্ষায় বসিয়া আছে । (খলিলের প্রতি) কি মিঞা সাহেব, চিনিতে পার কি ?”

খলিল কিছু বলিল না । জলিলের বাড়ী হইতে লুণ্ঠিত দ্রব্যের পরিমাণ দেখিয়া যুগল কহিলেন, “এ যে কুবেরের ভাগুর দেখিতেছি ।”

চণ্ডী কহিল, “দাদা, পাপীর হাতে ধন ছিল, আনা গেল । সংকার্ষ্যে বায় হবে । তুমিও কিছু এনেছ দেখিতেছি ।”

যুগল । মিঞা সাহেবকেই যখন আনিলাম, তখন তার টাকা কড়ি আর রাখিয়া আসি কেন ?

অবশেষে ছিপ্ খুলিয়া দেওয়া হইলে উহা নক্ষত্রবেগে কৈত চরের অভিমুখে রওনা হইল । পরদিন প্রাতে তাহারা আড্ডায় পহঁছিল ।

দ্বিতীয় পরিচ্ছেদ ।

অন্ধকারময়ী রাত্রি । সারি সারি স্থাপিত বধ্যমান ব্যক্তিগণ যূপকাঠের সম্মুখে রজ্জুবদ্ধ । তাহাদের ঘন ঘন শরীরকম্প ও হৃদকম্প হইতেছে । ভীত চকিত দৃষ্টিতে তাহারা হাড়িকাঠের দিকে চাহিয়া আছে । তান্ত্রিক পুরোহিত আসব পান করিয়া রক্তলোচনে উৎসর্গের মন্ত্র পড়িতেছেন । সকলেই উন্মত্ত । পুরোহিত বলিলেন, “সময় উত্তীর্ণ হয়, বলি দাও ।” ঢাকৌরা ঢাকের কাঠি ঘুরাইতে লাগিল ; কিন্তু বলির বাজানার শব্দ বাহির হইল না । তাহাদেরও মত্তাবস্থা । চণ্ডী বলিলেন, “যুগলদা, সবার আগে ঐ বড় দাড়ীওয়াল দরবেশটাকে বলি দেওয়া থাক । তার পর তার চেয়ে ছোট দাড়ী, আরো ছোট দাড়ী, এমনি করিয়া বাছিয়া বাছিয়া পর পর বলি দিব । কি বল ?”

যুগলের সম্মতি পাইয়া চণ্ডী দরবেশকে ধরিয়া তাহার গলদেশ হাড়িকাঠের ভিতর ঢালাইয়া দিলেন । তান্ত্রিক পুরোহিত ভাবাবেশে বলিতে লাগিলেন, “মা, মা ষবনমর্দিনি !” দরবেশ অটুহাস্ত করিয়া গায়িতে লাগিলেন,

“নিবিড় আধারে মা, চমকে ও রূপরাশি !”

চণ্ডী ঘাতকের বেশে খড়্গ উত্তোলন করিয়া তাহাকে বলি দিতে উদ্ভত । মনুষ্যছাগগুলির সমস্বরে ধ্বনিত করুণ আর্তনাদে দিঘুওল কম্পিত । এমন সময়ে বেণী রায় হুঙ্কার দিয়া “থাম !” “থাম !” বলিতে বলিতে সেখানে ছুটিয়া আসিলেন । দরবেশ তখনও গায়িতেছিলেন,

“নিবিড় আধারে মা, চমকে ও রূপরাশি !”

দ্বিতীয় পরিচ্ছেদ ।

সাধু বালকের স্থায় কাঁদিতে লাগিলেন ।

বেণী তখন যুগল ও চণ্ডীকে আদেশ করিলেন, “এই বজ্রুবদ্ধ ব্যক্তিদিগের বন্ধন মুক্ত করিয়া উহাদিগকে কামালপুরে ছাড়িয়া নাও । আজ হইতে আর নরবলি হইবে না । মাকে হৃদয়ের শোণিত দিয়া পূজা করিতে হইবে, অগ্নি শোণিতে প্রয়োজন নাই । মা আর যবনমর্দিনী নন, এখন হইতে তিনি শুধু রক্ষাকালী !”

মুসলমানের সহিত ধর্ম লইয়া হিন্দু কোনদিন বিবাদ করে নাই । তাহারা রাজত্ব লইয়া রণক্ষেত্রে মুসলমানের সহিত যুদ্ধ করিয়াছিল, অত্যাচার অরাজকতার বিরুদ্ধে বীরদর্পে দাঁড়াইয়াছিল । যে সব অপরিণামদর্শী মুসলমান বাদশাহ ও শাসনকর্তা হিন্দুর র্নিয়াদ ভাঙ্গিতে চেষ্টা করিয়াছিল তাহারা সকলেই ব্যর্থকাম হইয়াছিল । সহস্র নির্যাতনেও মুসলমানেরা হিন্দুর হিন্দুত্ব লোপ করিতে পারে নাই, বরং তাহারা এই এদেশবাসী হইয়া গেল, এদেশের পরিচ্ছদের কতক কতক পরিবর্তন করিয়া আক্বা-জাক্বা চোগা চাপকান বানাইল বা ধুতি চাদর পরিল, বীণ ভাঙ্গিয়া সেতার গড়িল, মল্লার ভাঙ্গিয়া মিংগা মল্লার করিল ও হিন্দীভাষা ভাঙ্গিয়া উর্দু ভাষা গড়িয়া লইল বা বাঙ্গালাকেই মাতৃভাষারূপে গ্রহণ করিল, কেবল ধর্ম উভয় জাতি পৃথক রহিয়া গেল । এহেন নিকটতম মুসলমানের প্রতি হিন্দু চিরকালই প্রতিবেশীমূলভ উদারতা ও সৌহার্দ্য দেখাইয়া আসিয়াছে । যখনই এই সদ্ভাবের বিপর্যয় হইয়াছে তখনই তাহার মূলে কোন না কোন অত্যাচার প্রচ্ছন্ন থাকিতে দেখা গিয়াছে । বেণী বায়ের যবনমর্দিনী কালী প্রতিষ্ঠার

বেগী রায় ।

মূলে দারুণ ব্যক্তিগত অভ্যচার নিহিত ছিল। কিন্তু যখন তিনি নিজের ভ্রান্তি বুঝিতে পারিলেন তখন বিদেহপ্রসূত ষবনমর্দিনী কালী নাম উঠাইয়া দিয়া তাঁহাকে সর্বাঙ্গনিবারিণী রক্ষাকালী এই সনাতনী আখ্যা প্রদান করিলেন ।

তৃতীয় পরিচ্ছেদ ।

রাজীব সাহা । কত শালা চোর ডাকাত রাতে সাধু সেজে আসে । বেরোও বলিতেছি । কোই ছায় ?

এমন সময়ে প্রথম ব্রাহ্মণ সহসা বংশীধ্বনি করিলেন ও দেখিতে না দেখিতে সে স্থান পণ্ডিত ডাকাইতের দলে ভরিয়া গেল । ভয়চকিত দৃষ্টিতে রাজীব সাহা ব্রাহ্মণদ্বয়ের মুখের প্রতি চাহিয়া জিজ্ঞাসা করিলেন, “আপনারা কে ?”

দ্বিতীয় ব্রাহ্মণ । পণ্ডিত ডাকাইতের লোক ।

ইতিমধ্যে প্রথম ব্রাহ্মণের আজ্ঞায় দস্যুরা দেওয়ান ও রাজীব সাহাকে রজ্জুবদ্ধ করিয়া সাহা মহাশয়ের বাড়ী লুঠ করিতে লাগিল । লুঠের পর তাহারা রাজীব সাহাকে ও রাধাবল্লভকে ধরিয়া লইয়া চলিল । রাজীব সাহার জানা ছিল, সেকালে দস্যুরা নরবলি দিত । যদি তাঁহাকেও সেইরূপে বলি দেওয়া হয় তাবিয়া তিনি আর্তনাদ করিয়া উঠিলেন । আর্তনাদ শুনিয়া তাঁহার গৃহিণী লজ্জাসম্মত ত্যাগ করিয়া পাগলিনীর বেশে দলপতির সম্মুখে উপস্থিত হইয়া তাঁহার পা জড়াইয়া ধরিয়া পুনঃ পুনঃ বলিতে লাগিলেন, “আমার গুপ্ত ধনরত্ন অলঙ্কার যাহা আছে সব দিতেছি, আমার স্বামীকে ছাড়িয়া দিন ।”

দলপতি বলিলেন, “আপনার কিছুই আমরা চাহি না । সাহা মহাশয়কে অমনি ছাড়িয়া দিতে পারি মা, কিন্তু তাঁহাকে কয়েকটি শপথ করিতে হইবে ।

রাজীব সাহা । কি শপথ করিতে হইবে বলুন, করিতেছি,—
আমায় ছাড়িয়া দিন ।

বেণী রায় ।

দলপতি । এখানে নয়, গোপীনাথের পাদস্পর্শ করিয়া অঙ্গীকার করিতে হইবে ।

তার পর সাহা মহাশয় গোপীনাথের মন্দিরে দস্যুদলপতির অনুজ্ঞাক্রমে প্রতিজ্ঞা করিলেন,—

(১) অতিথি মাত্রকেই তিনি ভবিষ্যতে আশ্রয় দিবেন ;

(২) যে সব প্রজার জমি ছলে বলে আত্মসাৎ করিয়াছেন, তাহা তাহাদিগকে ফিরাইয়া দিবেন ও কখন কোন প্রজার উপর অত্যাচার করিবেন না ;

(৩) বেণী রায়কে বার্ষিক সাত হাজার টাকা হিসাবে প্রণামী দিবেন ।

ইহা ছাড়া, রাজীব সাহা বাধ্য হইয়া রাধাবল্লভকে কার্যচ্যুত করিলেন ও কিষণ সিংকে বখ্‌সিস দিয়া পূর্বপদে বাহাল করিলেন ।

প্রাণে প্রাণে রক্ষা পাইয়া সাহা মহাশয় গোপীনাথের চরণ নয়নজলে সিক্ত করিলেন ।

চতুর্থ পরিচ্ছেদ ।

পরদিন আল্ফু মিঞা হঠাৎ বেণী রায়ের স্বাক্ষরযুক্ত একখানি পত্র পাইলেন । তাহাতে লেখা ছিল, “আমি জানিতে পারিয়াছি, আপনি ঘোরতর অত্যাচারী হইয়াছেন । প্রজাদের উপর দিন দিন আপনার দৌরাত্ম্য বাড়িয়া চলিয়াছে । উপস্থিত, আপনি রামগতি চক্রবর্তী, রক্ষাকর ঘোষ ও রুঞ্চন দাসকে সদরে আটক করিয়া তাহাদের উপর ভয়ানক অত্যাচার করিতেছেন । শুনিতোছি, বাকি খাজানা না দিলে আপনি তাহাদের জাতি মারিবেন । উক্ত তিন জন হিন্দু প্রজার নিকট আপনার প্রাপ্য খাজানা মায় শুদ আমি পাঠাইয়া দিব । এই পত্র পাইবামাত্র যেন তাহাদিগকে ছাড়িয়া দেওয়া হয় । আমি আরও জানিতে পারিয়াছি যে, আবদুল সেখের বিধবা স্ত্রীর সম্পত্তি আপনি ছলেবলে কাড়িয়া লইয়াছেন । ফৌজদারের চক্ষে ধূলা দিলেও আপনি গ্রায়ের নিকট অপরাধী । পত্র পাঠ উক্ত মহিলাকে তাঁহার সম্পত্তি ফিরাইয়া দিবেন । নচেৎ আপনাকে যেক্রমে হটক সায়েস্তা করিয়া জামালগ্রামে শাস্তি স্থাপন করিতে কুণ্ঠিত হইব না ।”

আল্ফু মিঞা পত্র পড়িয়া দাড়িতে হাত বুলাইয়া হাসিতে লাগিলেন । পার্শ্বে কাজিম নামক জনৈক পারিষদ বসিয়াছিল । প্রভুকে হাসিতে দেখিয়া দস্ত বাহির করিয়া সেও হাসিতে লাগিল । আল্ফু মিঞা বলিলেন, “হা হা, কাজিম, হা হা, বড় মজার চিঠি, পড়ে দেখ !”

বেণী রায় ।

কাজিম চিঠিখানা নাড়িয়া চাড়িয়া পড়িতে লাগিল ও পড়িতে পড়িতে হাসিতে লাগিল । তাহা দেখিয়া আল্ফু মিঞা বলিলেন, “কি, তুমিও যে হাসি থামাইতে পারিতেছ না !”

কাজিম । ভাবছি, কোন ইয়ার বোধ হয় রগড় ক’রে এই চিঠিখানা লিখেছে ।

আল্ফু মিঞা । না হে না, এ সেই পণ্ডিত ডাকাতেরই চিঠি । এইটুকু বুঝিতে পারিতেছ না ?

কাজিম আবার মনোযোগ সহকারে চিঠিখানা দেখিয়া বলিল, “তাইত, ঠিক বলিয়াছেন, এ সেই বেটারই কাজ ।” ইহা বলিয়া চাটুকার আবার একটু হাসিল ।

আল্ফু মিঞা তাহা দেখিয়া জিজ্ঞাসা করিলেন, “বড়ই হাসিতেছ যে ?”

কাজিম । বেতমিজের সাহস দেখে । বেটা যেন তুর্কির সুলতান, দণ্ডমুণ্ডের কর্তা !

আল্ফু মিঞা । এই পরিখা, এই সব সান্ত্বীরা যেন বৃথাই রয়েছে । একটা ডাকাতের ভয়ে আল্ফু মিঞাকে পত্র পাঠ হুকুম তামিল করিতেই হইবে, নয় কি ?—হা হা !

কাজিম । এত বড় নবাববাড়ী, এত লোক জন, এত অস্ত্রশস্ত্র অমনি আছে কিনা ! হা হা, এস না বাছাধনেরা একবার সৈয়দ মহম্মদ আল্ফু মিঞা সাহেবের খাঁইয়ের কাছে, বুঝিবে মজা ! হা হা !

আল্ফু মিঞা বলিলেন, “কাজিম, দেখ এই পণ্ডিত ডাকাইতের

পঞ্চম পরিচ্ছেদ ।

বেণী রায়ের কাছে জেঁকি খাঁ অগ্নিমূর্তি ধারণ করিয়াছেন ।
“তাঁহাকে দমন করিতে বন্ধপরিকর হইয়াও কোন প্রতিকার করিতে
না পারিয়া তাঁহার ক্রোধ আরও বৃদ্ধি পাইয়াছে । বেণী রায় এক
স্থানে স্থির থাকিতেন না । আজ এখানে, কাল সেখানে দুষ্কৃতকে
শাসন ও আর্জকে রক্ষা করিয়া বেড়াইতেন । চতুর গোয়েন্দারাও
তাঁহার সন্ধান জানাইতে না পারিয়া ব্যর্থকাম হইয়া সদরে খবর
দিল যে এ দুষ্মনকে গ্রেপ্তার করা তাহাদের সাধ্যাতীত । ফৌজ-
দার বিরক্ত হইয়া তাহাদিগকে বরখাস্ত করিলেন । এমন সময়ে
সংবাদ আসিল, পণ্ডিত ডাকাইত চলন বিলের ভিতর সরকারের
নৌকা লুণ্ঠ করিয়া মালগুজারির টাকা লইয়া সরিয়া পড়িয়াছে ।
জেঁকি খাঁ আরও কুপিত হইলেন ।

তার পর পেস্কার ডাক লইয়া মফঃস্বল হইতে আগত চিঠির পর
চিঠি পড়িয়া যাইতে লাগিলেন । সকল পরগণা হইতেই কোতোয়াল
ও দারোগারা প্রত্যেক কোতোয়ালিতে এক এক দল ফৌজ
মোতায়েন করিতে প্রার্থনা জানাইয়াছে । তাহারা লিখিয়াছে,
“এই পণ্ডিত ডাকাইত বেণী রায় অতিব দুর্ধর্ষ বেক্তি । সে শরবত্র
লুণ্ঠ তরাজ করিয়া বেড়াইতেছে ও জমিদারদিগের নিকট হইতে কর
আদায় করিতেছে । বলিতেছে, পাঠান এ দেশ শাসন করিতে
অক্ষম বিধায় আমিই এ দেশ শাসনের ভার লইয়াছি । এই

বেণী রায় ।

দোশুর আশ্পর্ক। এমন বাড়িয়াছে যে অবিলম্বে থানায় থানায় ফৌজ না পাঠাইলে সরকারের সাসন কার্য শূচরু রূপে নীর্বাহ হওয়া দুর্কহ। এমত স্থলে হুজুর শত্রুর যেরূপ হয় বিহীত করিবেন। ইতি।” পত্রগুলির অভিপ্রায় জানিয়া ফৌজদার ক্রোধাক্র হইয়া কোতোয়াল ও দারোগাদিগের কাহাকে বরখাস্ত করিলেন, কাহাকে বদলি করিলেন, কাহাকে ভবিষ্যতের জন্ত সাবধান করিয়া দিলেন। তাঁহার দৃঢ় বিশ্বাস উহাদের অক্ষমতাপ্রযুক্তই পণ্ডিত ডাকাইত ধরা পড়িতেছে না।

এদিকে দিন দিন বেণী রায়ের প্রতাপ বাড়িতে লাগিল। তিনি বরেন্দ্রভূমি হইতে পাঠান শাসন উচ্ছেদ করিতে উঠিয়া পড়িয়া লাগিলেন। সরকারি কাছারি ও ফৌজদারের কুঠি প্রভৃতি জ্বলাইয়া দিয়া তিনি পাঠান রাজকর্মচারিগণকে উত্যক্ত করিয়া তুলিলেন, রসদ ও খাজানা লুণ্ঠিতে লাগিলেন, অত্যাচারী রাজপুরুষদিগের যমস্বরূপ হইলেন। উৎপীড়নকারীরা দণ্ডের ভয়ে ভাব মানুষ সাজিল, শিষ্টের মুখোষ পরিয়া শাস্তির হাত এড়াইল। যাহারা পণ্ডিত ডাকাইতকে কখন দেখে নাই তাহারাও তাঁহার নামোচ্চারণে আতঙ্কে কাঁপিয়া উঠিল। সমগ্র বরেন্দ্রভূমে তাঁহার অসামান্য প্রতাপ, তাঁহার শক্তির কাছে সকল শক্তি স্তব্ধ। ‘বেণী রায়ের দোহাই’ অগ্রাহ্য করিবার সাহস সে অঞ্চলে কাহারও ছিল না।

এত দুর্দর্শ হইলেও বেণীমাধব কখন সীমা লঙ্ঘন করিতেন না। সমুদ্র আপনার বেগে আপনি চঞ্চল, প্রবল, অপ্রতিহত, তবু সীমা

ষষ্ঠ পরিচ্ছেদ ।

সাঁতোড়ের রাজা মুকুট রায়ের প্রতি তাঁহার রাজ্যের কেহ সন্তুষ্ট নয়। প্রজাদের আবেদনে নিবেদনে তিনি কর্ণপাত করেন না, কর্মচারীরা সময় মত বেতন পান না। রাজা নিজে কিছুই দেখেন না, বিলাস আমোদে মত্ত থাকেন, দেওয়ান যাহা খুসী তাহাই করে। সাঁতোড়রাজ্যে বেণী রায়ের কুটুম্ব সান্যাল মহাশয়েরা খুব প্রতাপশালী। তাঁহারা স্থির করিয়াছেন, মুকুট রায়কে সিংহাসনচ্যুত করিয়া তাঁহার পিসতুত ভাই, সাঁতোড়ের সৈন্তাধ্যক্ষ, গোপাল রায়কে সিংহাসনে বসাইবেন। কিন্তু সৈন্তেরা তাঁহার অনুগত হইলেও গোপাল চন্দ্র প্রকাশ্যভাবে রাজার বিরুদ্ধে অস্ত্রধারণ করিতে সাহসী হন নাই। তাহা দেখিয়া সান্যাল মহাশয়েরা বেণী রায়ের সাহায্য প্রার্থনা করিলেন। বেণী রায় প্রথমে কিছু ইতস্ততঃ করিলেও সকল অবস্থা জানিয়া শেষে কুটুম্বদিগকে সাহায্য করিতে স্বীকৃত হইলেন।

পরামর্শক্রমে স্থির হইল, পুণ্যাহের রাত্রে রাজা মুকুট রায় নখন আমোদপ্রমোদে মগ্ন রহিবেন তখন গোপাল চন্দ্র সসৈন্তে রাজবাটী ঘেরাও করিবেন, সান্যাল মহাশয়েরা প্রমোদভবন অবরোধ করিবেন, বেণী রায় স্বয়ং ছিপ্ দিয়া সাঁতোড় বেষ্ঠন করিয়া রাজধানীতে প্রবেশ করিবেন ও উপস্থিত মত্ত ঘেরুপ হয় ব্যবস্থা

বেণী রায় ।

বেণী রায় আর কোন কথা না বলিয়া মুকুট রায়কে তাঁহার অনুগমন করিতে বলিলেন ।

অবশেষে তাঁহারা বজরায় পহুঁছিলে বেণী রায় কহিলেন, “আপনি এখন হইতে সপরিবারে কাশীবাস করিবেন । যদি রাজ্য পুনঃপ্রাপ্তির চেষ্টা করেন তবে প্রাণ হারাইবেন । সাতোড়ের লোকেরা গোপাল চক্রকে তাহাদের রাজা বলিয়া গ্রহণ করিয়াছে । একরূপ বিনা রক্তপাতে যে এই রাজপরিবর্তন সংঘটিত হইয়াছে তাহা খুব মঙ্গলের কথা বলিতে হইবে ।”

মুকুট রায় আক্ষেপের সহিত কহিলেন, “আমার রাজ্যচ্যুতি মঙ্গলের কথা ?”

বেণী রায় । বাহা প্রজাদের অভিপ্রেত, তাহাদের কল্যাণকর. তাহা মঙ্গলের কথা বই কি ? রাজা মুকুট রায়, আপনি বৃদ্ধবয়সে যে বিশ্বনাথের আশ্রয় লাভ করিতে পারিলেন, ইহা আপনার পক্ষে বিশেষ সৌভাগ্যের কথা ।

মুকুট রায় । (দীর্ঘশ্বাস ত্যাগ করিয়া) হুই দণ্ড পূর্বে যে সাতোড়ের চৌদ্দ পরগণার অধীশ্বর ছিল, আজ সে পথের ভিখারী ! হায়, ঐশ্বর্য্য, হায় রাজ্যসুখ !

বেণী রায় । আপনাকে পথের ভিখারী হইতে হইবে না । এই বজরায় আমি লক্ষ টাকা আপনার কাশীবাসের খরচের জন্য রাখিয়াছি । উহা দ্বারা আপনি নানসম্ভ্রম রক্ষা করিয়া সুখে স্বচ্ছন্দে দিন কাটাইতে পারিবেন ।

মুকুট রায় বক্তার মুখের দিকে চাহিয়া বলিলেন, “আপনি কে ?”

সপ্তম পরিচ্ছেদ ।

এদিকে রাজমহলের যুদ্ধে চৌদরমল্ল বাদশাহ দাউদ শাহকে বধ করিয়া তাঁহার যুগ্ম দিল্লীতে প্রেরণ করিলেন । জমসেদ খাঁ প্রত্নকে রক্ষা করিতে গিয়া নিহত হইলেন । বিজয়দৃষ্ট মোগল সৈন্যগণ শ্রেতোবারির স্থায় বঙ্গদেশ ছাইয়া ফেলিল । মানসিংহ তাঁহার ভ্রাতা ভানু সিংহের সহিত সসৈন্তে পূর্ব ও উত্তরবঙ্গে রওণা হইলেন । কিয়দূর একত্র গিয়া মানসিংহ ঢাকা অভিমুখে অগ্রসর হইলেন, ভানু সিংহ বরেন্দ্রভূমে যাত্রা করিলেন ।

ফৌজদার জেকি খাঁ বরেন্দ্র জনিদারগণের নিকট মোগলের বিরুদ্ধে সাহায্য চাহিয়াও নিরাশ হইলেন । কেবল ভানুড়িয়ার রাজা জগৎ নারায়ণ খাঁ পাঠানের পক্ষে রহিলেন । ছাতকের রাজা কালিদাস রায়, সাতোড়ের রাজা গোপাল চন্দ্র রায়, তাহিরপুরের রাজা কংসনারায়ণ রায় প্রভৃতি বরেন্দ্রভূমির নরপতিগণ প্রকাশ্যরূপে মোগলের সহায়তা করিতে লাগিলেন ।

ভানুড়িয়ার সৈন্য ও পাঠানসৈন্য ভানু সিংহকে যুগপৎ আক্রমণ করিয়া শীঘ্রই পরাজিত হইল । জেকি খাঁ পৃষ্ঠভঙ্গ দিলেন । ভানু সিংহ তখন সপ্তদুর্গা (সাতগড়া) অধিকার করিবার জন্ত ভানুড়িয়ার বিরুদ্ধে যুদ্ধযাত্রা করিলেন ।

পাঠান রাজত্ব লোপ পাইতে বসিয়াছে, মোগল আসিতেছে । এই সুযোগে বেণী রায় বরেন্দ্র রাজাদিগকে হিন্দুরাজ্য স্থাপন

বেণী রায় ।

আপনার বলে আপনি চলে ও অপরকে চালাইতে সক্ষম হয় । তাই সকলের বিশ্বাস বালুকাসৈক্যের গায় ভাঙ্গিয়া পড়িয়াছে, দৃঢ় বেলাভূমির গায় অটল নয় । এই পোড়া দেশেই বীজ বীজই রহিল, বৃক্ষ হইল না । বাহারা বুকে না, ক্ষুদ্র ক্ষুদ্র তারাগুলো ছায়াপথ, বিন্দু বিন্দু বারিসংযোগে মহাসাগর, রেণু বেণু বালুকা সমূহে মরুভূমি, ভিন্ন ভিন্ন তরুদাতাগুলো দণ্ডকারণ্য, খণ্ড খণ্ড প্রস্তরস্তূপে হিনাচল, অণুপরমাণুর সমষ্টিতে এই জগৎ, তাহাদের আবার ভরসা ! ইহাদিগের দ্বারা কিছু হইবে না । দেখি ক্ষুদ্রশক্তি লইয়া আমি নোগলের বিরুদ্ধে কি করিতে পারি । নরবানরে রাবণকে সবংশে নিৰ্বংশ করিয়াছিল, দধীচির অস্থিতে বজ্র নির্মিত হইয়াছিল । আমি কি কিছুই পারিব না ?

বেণী রায় সকল বারেন্দ্র রাজাকে স্পষ্টাক্ষরে কাপুরুষ বলিয়া নিজেই ভানু সিংহের বিরুদ্ধে যুদ্ধের আয়োজন করিতে লাগিলেন । সম্মুখ সমরে না হউক, অতর্কিত আক্রমণে রাজপুত্রবীরকে উত্যক্ত করিয়া তুলিতে সংকল্প করিলেন । হইলও তাহাই । এখন হইতে বেণী রায় জলে স্থলে ভানু সিংহের সৈন্যদিগের উপর সহসা লাকাইয়া পড়িয়া তাহাদের অস্ত্রশস্ত্র কাড়িয়া লইতে লাগিলেন, রসদ লুণ্ঠিয়া লইয়া ও শিবির জ্বলাইয়া দিয়া তাহাদিগকে ব্যতিব্যস্ত করিয়া তুলিলেন । এইরূপে উপদ্রুত হইয়া ভানু সিংহ কিংকর্তব্যবিমূঢ় হইলেন । পণ্ডিত ডাকাইত প্রকাশ্যে যুদ্ধ করেন না, নোগল সৈন্যেরা যখন সারাদিনের শ্রান্তি দূর করিবার জন্য নিদ্রা যায়, তখন তিনি তাহাদিগের উপর ঝাঁপাইয়া পড়েন । এ তো বড় দায় ।

অষ্টম পরিচ্ছেদ ।

এদিকে ভানু সিংহ ভাছড়িয়ার রাজধানী সপ্তদুর্গা অধিকার করিলে রাজা জগৎনারায়ণ খাঁ আকবর বাদশাহের বশুতা স্বীকার করিয়া তাঁহার সহিত সন্ধিস্থাপন করিলেন । কিন্তু মোগল সম্রাটের প্রতিনিধি তাঁহাকে করদরাজের ক্ষমতা দিলেন না । রাজা জগৎনারায়ণ তাঁহার অনেক পরগণা হারাইলেন ও এখন হইতে সামান্য জমিদারশ্রেণীভুক্ত হইলেন ।

ইতিমধ্যে রাজা গোপাল চন্দ্র রায় ভানু সিংহকে বহু বার বহু উপঢৌকন পাঠাইয়া তাঁহার রাজধানীতে আমন্ত্রণ করিয়াছেন । তাই মোগল বাদশাহের প্রতিনিধি সাঁতোড়ে যাইতেছেন । তাঁহার ইচ্ছা, রাজা গোপাল চন্দ্রের সহায়তার বেণী রায়কে দমন করিবার ব্যবস্থা করিবেন । কিন্তু তিনি যখন চলন বিলের মধ্য দিয়া যাইতেছিলেন তখন রজনীর অন্ধকারে তাঁহার নৌবাহিনী কতকগুলি ছিপ্ দ্বারা সহসা আক্রান্ত হইল । সেই আক্রমণের ফলে মোগলদিগের রসদবোঝাই নৌকা আর কয়েক খানি নৌকার সহিত জলমগ্ন হইল । ভানু সিংহের রণতরী শত্রুর ছিপ্গুলির পশ্চাদ্ধাবন করিতে না করিতে উহা বিদ্যুৎবেগে অদৃশ্য হইয়া গেল । চলন বিলে তন্ন তন্ন করিয়া খুঁজিয়াও আক্রমণকারীদিগের একখানি ছিপ্ও দেখিতে পাওয়া গেল না । এতগুলি ছিপ্ মুহূর্তের মধ্যে কিরূপে ও কোথায় অন্তর্হিত হইল ভানু সিংহ তাহা বুঝিতে

অষ্টম পরিচ্ছেদ ।

অভিন্নত জানিবার জন্ত একটা পরামর্শসভা আহ্বান করিলে কেমন হয় ?

রাজা গোপাল । সে খুব ভাল কথা । আপনি সাঁতোড়ে এক দরবার করিয়া দেশের মাণ্ডগণ্য প্রধান ব্যক্তিগণকে আহ্বান করিলে ভাল হয় । সকলের মতে যাহা স্থির হয় তাহাই ঠিক ।

যথাসময়ে দরবার বসিল । সম্রাটের প্রতিনিধি প্রথমে মোগল বাদশাহের সদিচ্ছা ও সহৃদয়তা ঘোষণা করিলেন । তৎপর বেণী রায়কে কিরূপে বশ করা যায় সে বিষয়ে জমিদারদিগের অভিন্নত জানিতে চাহিলেন । সকল হিন্দু জমিদারই একবাক্যে কহিলেন, “বেণী রায়কে মৈত্রী ও সদ্ভাবে বশ করা ভিন্ন অন্য উপায়ে বশ করা অসম্ভব । যাহাতে মোগল সেনাপতি তাঁহার সহিত সাক্ষাৎ লাভ করিতে পারেন সাঁতোড়ের রাজা সে উপায় করিয়া দিবেন ।”

নবম পরিচ্ছেদ ।

বেণী রায়, যুগল ও চণ্ডী একসঙ্গে বসিয়া আছেন । সকলেই নীরব । তাঁহাদের মুখে চোখে চিন্তার পাণ্ডুর রেখা দেখা যাইতেছে । কিয়ৎক্ষণ পরে বেণী রায় নিস্তব্ধতা ভঙ্গ করিয়া কহিলেন, “দেখিলে, বরেন্দ্রভূমির একটি লোকও মোগলের বিরুদ্ধে আমাদের সহায়তা করিতেছে না । ভাট্টিয়া পাঠানের জন্ত লড়িয়াছিল । যুদ্ধে পরাজিত হইয়া মোগলের সহিত সন্ধি করিয়াছে । সাঁতোড়, তাহিরপুর, ছাতক প্রভৃতির পরাক্রান্ত ভূস্বামীরা সকলেই মোগলের পক্ষে । হিন্দুরাজ্যস্থাপনে কাহারও আগ্রহ নাই । সকলই কালের প্রভাব । ত্রিসংসার কালের অধীন । কালে মোগল ভারতের অধিপতি ! এই মোগলকে বিতাড়িত করা আমাদের পক্ষে অসম্ভব । দাউদ শাহ এত পদাতিক ও অশ্বরোহী সৈন্য থাকিতে, এত রণতরী ও যুদ্ধ হস্তী থাকিতে, এত কামান থাকিতে বাহা পারেন নাই, মুষ্টিমেয় লোকবল লইয়া আমরা কিরূপে তাহা পারিব ? যতদিন মোগল এদেশে শান্তিস্থাপন করিতে না পারে ততদিন আমরা লোক রক্ষা করিব । তারপর আমাদের দল রাখিবার দরকার হইবে না । পাঠান মূর্থ, প্রজার অসন্তোষে রাজ্য হারাইল, মোগল চতুর, প্রজার সন্তোষই তাহার রাজ্যশাসনের মূলমন্ত্র । গুনিয়াছি, আকবর প্রজারঙ্গক বাদশাহ । তিনি প্রজাদিগকে তুষ্ট রাখিয়া দেশ শাসন করিতে পারিলে আমাদের

নবম পরিচ্ছেদ ।

অঙ্গধারণের আর কোনই প্রয়োজন রহিবে না । এ দল ভাঙ্গিয়া দিয়া আমি হিমাচলে চলিয়া যাইব, জীবনের শেষ কয়টা দিন যোগসাধনায় কাটাইব ।”

যুগল । মোগলেরা যতই ভাল হোক না কেন, হিন্দু জন সাধারণের স্বার্থ অধিকার রক্ষা করিবার জন্ত আমাদের বর্তমান দল রাখা উচিত মনে করি । আপনি চলিয়া গেলে অরাজকতা আবার তাহার ফনা বিস্তার করিবে । তখন কে দুর্বৃত্তকে দমন করিবে, দুর্বলকে আশ্রয় দিবে ?

বেণী রায় । একটা ভাব জলাশয়ে নিক্ষিপ্ত লোষ্ট্রখণ্ডের মত । প্রথমে একটা ক্ষুদ্র বৃত্ত, পরে একটা বৃহৎ বৃত্ত, তার পর আর একটা বৃহত্তর বৃত্ত, এইরূপে একই বৃত্ত হইতে বৃত্তের পর বৃত্ত, অনন্ত বৃত্ত উৎপন্ন হয় । দেশের চিত্তবাপীতে ভাবের বিস্তারও সেইরূপ । উহা ধীরে ধীরে এক হইতে বহুতে ব্যাপ্ত হয় । মানুষ যায়, ভাব থাকে । আমি গেলেও আমার ভাব থাকিবে । লোকাভাব হইবে না ।

যুগল । কিন্তু সে লোক আপনার মত হইবে না । এ জগতে যেটি যায় ঠিক সেটি আসে না । আমরা সামান্য সদৃশ্য লইয়া কার্যক্ষেত্রে অবতীর্ণ হইয়াছিলাম । আপনি তাহাকে বিরাট আকার দিরাছেন । আমরা দুই একটি সামান্য লোককে সায়স্তা করিতে পারি নাই, আপনি শত দুর্দান্ত দুর্বৃত্তকে দমন করিয়াছেন । আপনার ভয়ে পাঠান রাজশক্তি থর থর কাঁপিত, অতি প্রতাপী মোগলশক্তিও সর্বদা সশঙ্ক, আপনার তুল্য কে আছে ? আপনি

প্রথম পরিচ্ছেদ ।

জগৎ পুরস্কারস্বরূপ বেণী রায়কে পূর্বেই দেড় লক্ষ টাকা দিয়াছিলেন । এখন বিমনার বিবাহের যাবতীয় ব্যয় দিলেন । পণ্ডিত বিদায়ের প্রস্তাব উঠিলে বেণী রায় বলিলেন, “এই সব মূর্খ অকাল কুম্ভাণ্ড নীচাশয় ব্রাহ্মণ ব্রাহ্মণই নয় । ইহাদিগকে দান করিলে পুণ্য তো নাই-ই, বরং এইরূপে আলস্য ও মূর্থতার প্রশয় দিলে পাপ আছে । আমি নবদ্বীপ ও বিক্রমপুরের যে সব প্রধান প্রধান ব্রাহ্মণপণ্ডিতদিগকে আহ্বান করিয়াছি তাঁহাদিগের প্রত্যেককে পানসমাদান অনুসারে এক হইতে পাঁচ আসুরফি পর্যন্ত বিদায় দিয়াছি । কিন্তু বরেন্দ্রভূমির গর্দভগুলিকে রিক্তহস্তে বিদায় দিব স্থির করিয়াছি ।”

কুব্ধ পণ্ডিতমণ্ডলী বেণী রায়ের উপর প্রতিহিংসা বহনকার জগৎ তাঁহার জামাতাকে ও ভৎসম্পর্কিত প্রধান সাহায্যকারীদিগকে “বেণী পঠীর কুলীন” নাম দিয়া সমাজে কোণঠাসা করিয়া রাখিলেন । কিন্তু রাজা গোপাল চন্দ্রের বিরুদ্ধে কেহ কিছু করিতে পারিলেন না ।

দ্বিতীয় পরিচ্ছেদ ।

এদিকে হৃষীকেশ ঠাকুরের কণ্ঠাদায় উপস্থিত । ইহা ছাড়া তাঁহার আর একটি ভগ্নীও বিবাহযোগ্য । অথচ অর্থাভাবে তিনি কাহারও বিবাহ দিতে পারিতেছেন না । দুইটি পাত্র স্থির আছে, কিন্তু আবশ্যকীয় ধন সংগ্রহ হইতেছে না । তিনি যে জমিদারের বাড়ীতে যান সেখান হইতেই ক্ষুণ্ণমনে ফিরিয়া আসেন । বেণী রায়কে যে সব ব্রাহ্মণ পণ্ডিতেরা জুড় করিতে চেষ্টা করিয়াছিলেন, তাঁহাদের নেতাদিগকে কোন বারেন্দ্র জমিদার সাহায্য করিতে প্রস্তুত ছিলেন না । হৃষীকেশ সর্বত্র নিরাশ হইয়া ভাড়াড়িয়ার, রাজার নিকট গেলেন । সেখান হইতেও কোনরূপ অর্থসাহায্য না পাইয়া তিনি বিষণ্ণমনে সাতগড়ার ‘রাজার ঘাটে’ উপস্থিত হইলেন ।

ঘাটে একখানি ছিপ্ বাধা ছিল । আরোহীরা তখনই ছিপ্ ছাড়িয়া দিবে দেখিয়া হৃষীকেশ তাহাদিগকে জিজ্ঞাসা করিলেন, “ওহে, তোমরা কোথায় যাইবে ?”

নৌকা হইতে এক ব্যক্তি হৃষীকেশকে চিনিতে পারিয়া কহিলেন, “কামালপুরে । কেন, ঠাকুর মশায়ও কি সেইখানেই যাইবেন ?”

হৃষীকেশ । হাঁ, আমাকে তোমাদের ছিপে লইয়া চল, আমি তোমাদিগকে আশীর্বাদ করিব ।

দ্বিতীয় পরিচ্ছেদ ।

অন্য আরোহী রঙ্গ করিয়া বলিলেন, “শুধু আশীর্বাদ, ভাড়াটা ?”

স্বষীকেশ । দেখিতেছি, তোমাদের দেববিদ্যে একেবারেই ভক্তি নাই ।

• নৌকারোহীদিগের মধ্যে যিনি স্বষীকেশের সহিত প্রথম কথা বলিয়াছিলেন তিনি কহিলেন, “আচ্ছা, ভট্টাচার্য্য ঠাকুর অমনি চলুন ।”

স্বষীকেশ তাঁহার পুঁটুলি লইয়া ছিপে উঠিলেন ও নৌকারোহীদিগের নিকট তাঁহার বর্তমান দুর্দশার কথা বলিতে লাগিলেন । প্রসঙ্গক্রমে তিনি জমিদারদিগকে ও বেণী রায়কে যথেষ্ট গালি দিয়া তাঁহাদিগকে শীঘ্র উচ্ছন্ন বাইবার জন্য অভিসম্পাত দিলেন । ইহা শুনিয়া নৌকারোহী ব্যক্তির হাসিয়া উঠিলেন । স্বষীকেশ ঠাকুর ধৈর্য্যচ্যুত হইয়া বলিলেন, “বোর কলি, বোর কলি, নহিলে ব্রাহ্মণ পণ্ডিতের ছঃখে তোমরা হাস্ত করিতে কেন ?” বিজ্ঞা (?) হস্তে ফিরিবার পর শেষে এই অপমান ?”

এমন সময়ে আরোহীদের মধ্যে একজন তাঁহাকে জিজ্ঞাসা করিলেন, “ঠাকুর মশায়ের নাম কি ?”

স্বষীকেশ । আমাকে চেন না, তুমি কোন্ দেশের লোক হে ? আমার নাম শ্রীস্বষীকেশ দেবশর্মা তর্কালঙ্কার ।

ইহা শুনিয়া প্রথমোক্ত ব্যক্তি হাস্ত সম্বরণ করিতে না পারিয়া কহিলেন, “সেকি, ভট্টাচার্য্য মশায় কবে থেকে তর্কালঙ্কার হইলেন ?”

বেণী রায় ।

না, না, তা হবে না । বিনা পরিচয়ে আপনাকে যাইতে দিব না । আপনি আমাদের ঠাকুরের এমন কল্যাণকামী ! আসুন, বলুন, দেখি, আমাদের মধ্যে কে পণ্ডিত ডাকাত ?

হৃষীকেশ ইতস্ততঃ দৃষ্টিপাত করিয়া কাহাকেও পণ্ডিত ডাকাত বলিয়া চিনিতে না পারায় প্রথম বক্তা হাসিয়া বলিলেন, “হৃষীকেশ ঠাকুর, আমিই বেণী রায় ।”

বিশ্বয়ে, লজ্জায় হৃষীকেশের মুখমণ্ডল আরক্ত হইল । তিনি যাই বলিতেছিলেন, “আ—আ—আপনিই বেণী মামা ?” অমনি ছিপ্ আরোহীদিগের সহিত তীরবেগে অন্তর্হিত হইল ।

বেণী রায় ।

হইয়াছে ? ভারত হিন্দুরাজত্ব ফিরিয়া চায় না, চায় শান্তি । এমত স্থলে পরাধীনতা অনিবার্য । পরাধীনতাই যদি করিতে হয় তবে প্রবল মোগল শাসনাধীনে থাকাই ভারতের পক্ষে শ্রেয়স্কর । বল-বৃদ্ধিতে শাসনে পালনে এসময়ে মোগলের সমকক্ষ জগতে কেহ নাই । আমি জানি, আপনি বরেন্দ্রভূমিতে হিন্দুরাজ্য স্থাপন করিতে বহু চেষ্টা করিয়াছেন । সে চেষ্টা সফল হইয়াছে কি ? এই যে পরাক্রান্ত বরেন্দ্র নরপতিরা রহিয়াছেন, ইহাদের মধ্যে এক জনও কি আপনার সহায়তা করিয়াছেন ?

বেণী রায় । (দীর্ঘশ্বাস ত্যাগ করিয়া) আমি সব বুদ্ধিতে পারিয়াছি । আপনাকে কি উত্তর দিব তাহা পূর্বেই স্থির করিয়াছি । বুদ্ধিয়াছি আমি অস্ত্রত্যাগ না করিলে বরেন্দ্রভূমে শীঘ্র শান্তিপ্রতিষ্ঠা হইবে না । তাই আজ হইতে এই তরবারি ত্যাগ করিলাম । মোগল নির্বিরোধে এদেশে রাজত্ব করুক । আপনি এই দাসদিগকে দাসত্বের নূতন নিগড় পরাইয়া যান ।

ভানু সিংহ । (সোৎসাহে) ঠাকুরজি, ঠাকুরজি, আপনি জ্ঞানী, পণ্ডিত, দেশের শান্তিকামী, প্রকৃত দেশহিতৈষীর গুণ কথ্য বলিয়াছেন । আপনি যে আর মোগলের বিরুদ্ধে অস্ত্রধারণ করিবেন না ইহাতে আমি চিরবাধিত হইলাম ।

বেণী রায় এ কথার কোন উত্তর দিলেন না । তাঁহার মুখমণ্ডল চিন্তাভারাক্রান্ত ।

ভানু সিংহ আবার কহিতে লাগিলেন, “ ঠাকুরজি, আমি আপনাকে বরেন্দ্রভূমের প্রথম ফৌজদার নিযুক্ত করিলাম । ইহা

তৃতীয় পরিচ্ছেদ ।

ছাড়া, বাদশাহের প্রতিনিধিস্বরূপে আমি আপনাকে সহস্র বিঘা জায়গীর দিতে প্রতিশ্রুত হইলাম । ইহা আমাদের সৌহার্দ্যের প্রথম নিদর্শন মনে করিবেন ।”

বেণী রায় । সেনাপতি ভানু সিংহ, আমি ফৌজদারি বা জায়গীরের লোভে অস্ত্রত্যাগে সম্মত হই নাই । দেশ যুদ্ধে অসম্মত । তাই মোগলের গতিরোধে ক্ষান্ত হইলাম ।

ভানু সিংহ । পণ্ডিতজি, আমি আপনার পদোচিত সম্মান ও আমাদের সৌহার্দ্য দেখাইবার জন্তই পূর্বোক্ত প্রস্তাব করিয়াছিলাম । এখন দেখিতেছি, আপনি মোগলের নিকট হইতে কিছু লইবেন না । যদি অনুমতি করেন তবে অত্র এক প্রস্তাব করিতে ইচ্ছা করি ।

বেণী রায় । কি বলুন ।

ভানু সিংহ ফৌজদারি ও জায়গীর দিয়া বেণী রায়কে চিরদিনের জন্ত করায়ত্ত করিয়া রাখিতে চাহিয়াছিলেন । তাহা হইল না দেখিয়া তিনি এই দলের অগ্রাগ্র ব্যক্তির আঁর যাহাতে নাথাকুলিতে না পারে সে জন্ত তাহাদিগকে ভিন্ন ভিন্ন স্থানে ফৌজের কার্যে নিযুক্ত করিবার ইচ্ছা করিয়া প্রকাণ্ডে বলিলেন, “আপনার নঙ্গীদিগকে বাদশাহের অধীনে কাজ দিয়া তাহাদের উপজীবিকার বন্দোবস্ত করিয়া দিলে বোধ হয় কোন আপত্তি করিবেন না ।”

বেণী রায় । আমার সঙ্গীরা ইহাতে রাজি হইবে মনে হয় না । তাহাদের উপজীবিকার বন্দোবস্ত আমিই করিতে পারিব । আপনি সে জন্ত কিছু ভাবিবেন না । আমার বা আমার লোকদের জন্ত কিছু লইতে ইচ্ছা না করিলেও আপনার নিকট আমার এক

চতুর্থ পরিচ্ছেদ ।

ভানু সিংহের সহিত কথোপকথনান্তে বেণী রাম কৈতের চরে ফিরিয়া আসিতেছেন । তাঁহার হৃদয়-সাগর ক্ষুব্ধ হইয়া উঠিয়াছে । তিনি তাঁহার অতীত, বর্তমান ও ভবিষ্যৎ আলোচনা করিয়া মনে মনে কহিতেছেন, “যাই, আমার সময় হইল । নিয়তির গতিরোধ করিবার শক্তি মানুষের নাই । যে নিয়তির বলে সাত্ত্বিক বেণী রায়কে রাজসিক মূর্তি গ্রহণ করিতে হইয়াছিল তাহারই বলে আবার তাহার সাত্ত্বিক রূপ প্রকট হইবার উপায় হইল । মন্দ কি ? দুঃখ রহিল, এই অভিশপ্ত দেশে অকালে আমার কার্যাবসান হইল, কেহ আমার চিনিল না, আমি কার্যক্ষেত্র পাইলাম না । জনসাধারণ মুন্সী, খাজাঞ্চি, মজুমদার, সরকার হইবার জন্ত ব্যস্ত, ভূস্বামীরা রায়, রায়রায়াঁ, চৌধুরী, রায় চৌধুরী হইতে উৎসুক, সকলেই ঘাচিয়া মান লইবার জন্ত ইচ্ছুক । ইহা যুগধর্ম্ম । মোহের দিনে এমনি হয় বটে । কিন্তু স্থির জানি, এই মোহ শারদ-প্রভাতের মেঘাভঙ্গের মাত্র ; দুদিনের মোহ দুদিনে কাটিবে, আত্ম-প্রত্যয় আবার জাগিবে । না আমায় যে কাজ করিতে পাঠাইয়া ছিলেন তাহা যথাসাধ্য করিয়া গেলাম । এখন মায়ের ছেলে মায়ের কোলে ফিরিয়া যাই ।” এইরূপ ভাবিতে ভাবিতে তিনি কৈতের চরে পহুছিলেন । তারপর সন্ধ্যাবন্দনা সমাপন করিয়া কালী মূর্তির সম্মুখে উপবেশন করিলেন । বাহুজ্ঞানশূণ্য হইয়া

প্রথম পরিচ্ছেদ ।

গোপাল চন্দ্রকে সাতোড়ের সিংহাসনে বসাইয়া বেণী রায় কয়েক দিন সম্বন্ধীর বাড়ীতে থাকেন। সেখানে দীর্ঘকাল পরে বিমলার সহিত তাঁহার দেখা হয়। সেই দেখায় শত অতীতের স্মৃতি সহসা তাঁহার হৃদয় অভিভূত করিয়া ফেলে। এত দিন নিরবচ্ছিন্নরূপে নানা কার্যে ব্যাপৃত থাকায় তিনি প্রিয়তমার শোক অনেকটা ভুলিতে পারিয়াছিলেন। কিন্তু জয়ার জীবন্ত প্রতিকৃতি বিমলাকে দেখিয়া তাঁহার পূর্ব শোক আবার উথলিয়া উঠিল। তাঁহার গণ্ড দিয়া অশ্রুধারা পড়িতে লাগিল। জয়ার সেই বসন্তের বনশ্রীর গায় বিকশিত রূপ, প্রেমের স্নিগ্ধতা ও ত্যাগের পবিত্রতায় সমুজ্জ্বল চরিত্র, তার পর গোধুলির তারকার গায় ম্লানোজ্জ্বল কান্তি, বিশীর্ণাবয়ব, শ্মশানের মর্মভেদী দৃশ্য প্রভৃতি একে একে সব কথা তাঁহার মনে পড়িল। আর এই মাতৃহীনা বালিকা যে পিতা বর্তমানেও পিতৃহীনা তাহা চিন্তা করিয়া বিমলার দুঃখে তাঁহার হৃদয় গলিয়া গেল। একবার ইচ্ছা হইল তিনি এই স্নেহের পুতুলীকে কৈতের চরে লইয়া যান। আবার ভবিষ্যৎ ভাবিয়া তাহা হইতে ক্ষান্ত হইলেন। বিশেষ, এই শেষ বন্ধন ছিন্ন না করিলে তিনি কোথাও যাইতে পারিবেন না। তাঁহার মনে হইতেছিল তাঁহার কার্যাবসানের আর অধিক বিলম্ব নাই। বিমলা এখন গৌরী। গৌরীদান করিয়া তিনি যত শীঘ্র সব ছাড়িয়া চলিয়া যাইতে পারেন সেই ভাল।

বেণী রায় ।

সংপাত্রেৰ অনুসন্ধানে চাৰিদিৰে লোক পাঠান হইল । মনেৰে ভাল ঘৰ বৰ জুটিলেও ব্ৰাহ্মণ পণ্ডিতগণেৰ শত্ৰুতায় সকল সম্বন্ধ ভাঙ্গিয়া যাইতে লাগিল । বেণী রায় মূৰ্থ স্বার্থীক ভট্টাচাৰ্য্যগণেৰ যমস্বৰূপ ছিলেন । ইহাৰাই তাঁহাৰ দেশবাসীদিগেৰ গুৰু পুৰোহিত পৰমার্থ পথেৰ সহায় ভাবিয়া তিনি হাড়ে হাড়ে চটিয়া গিয়াছিল্লেন । তাই ইহাদিগকে প্ৰকাণ্ডে পৰপুষ্ট তণ্ডুলৰজতলোভী অপূৰ্ব জীৱ বলিয়া ব্যঙ্গ ও ভৎসনা কৰিতেন । ব্ৰাহ্মণ পণ্ডিতেৰাও প্ৰতিশোধ লইবাৰ জন্ত অনেক দিন হইতে স্ময়োগ খুঁজিতেছিল্লেন । এখন তাঁহাৰা বিমলাৰ বিবাহ উপলক্ষে এক কঠোৰ সামাজিক শাসনেৰে ব্যৱস্থা কৰিতে উঠিয়া পড়িয়া লাগিলেন । তাঁহাৰা সৰ্বত্ৰ প্ৰচাৰ কৰিলেন, “যে ব্যক্তি এই পণ্ডিত ডাকাইতেৰে কণ্ঠাকে বিবাহ কৰিবে সে শ্ৰেষ্ঠ কুলীন হইলেও সমাজ হইতে বহিষ্কৃত হইবে এৰং তাহাৰ যে দশা হইবে তাহাৰ সহায়তাকাৰীদেৰও সেই দশা হইবে । বেণী রায়েৰ অব্ৰাহ্মণোচিত বৃত্তি । তাহাৰ স্ত্ৰীকে মুসলমানে ধৰিয়া লইয়া গিয়াছে । অতএব তাহাৰ কণ্ঠাৰ বিবাহ হিন্দুসমাজে চলিতে পাৰে না ।” স্বৰীকেশ ভট্টাচাৰ্য্য এই প্ৰতিপক্ষীৰ দলেৰ একজন প্ৰধান পাণ্ডা হইলেন ।

বেণী রায় বড়ই গোলে পড়িলেন । যে সম্বন্ধ আসে ব্ৰাহ্মণ পণ্ডিতেৰা তাহাই ভাঙ্গিয়া দেন দেখিয়া তিনি ৰাজা গোপাল চন্দ্ৰেৰ সাহায্যে এক সদংশজাত বিদ্বান্ কুলীনেৰ সহিত বিমলাৰ বিবাহ স্থিৰ কৰিয়া ফেলিলেন । সঙ্গোপনে লগ্ন পত্ৰ হইয়া গেল । তাৰ পৰ মহাসমারোহে শুভবিবাহ সন্স্পন্ন হইল । গোপাল চন্দ্ৰ ৰাজ্যপ্ৰাপ্তিৰ

পঞ্চম পরিচ্ছেদ ।

বর্ষায়ত রৌদ্র উজ্জ্বল কনকাকলের ঞায় দীপ্ত । একটা চোখ
গেল পাখী “চোখ গেল”, “চোখ গেল” বলিয়া শূন্যে উড়িতেছে ।
নিম্নে ধূ ধূ প্রান্তরে বেণী রায় “সব গেল,” “সব গেল” বলিয়া উধাও
ভাবে ঘুরিয়া বেড়াইতেছেন । তাঁহার মনের অশান্তি কিছুতেই
মিটিতেছে না, উদ্বেলিত হৃদয়সাগর কোনরূপে শান্ত হইতেছে না ।

ধীরে ধীরে রজনীর অন্ধকার চতুর্দিকে ব্যাপ্ত হইয়া পড়িল ।
এমন সময়ে এক পাগল তাঁহাকে দেখিয়া হা হা রবে অট্টহাস্য করিয়া
বলিতে লাগিল, “এ কে ?—এ তো ককাল । সে মরে গেছে ।
আলো নিভে গেছে । আঁধারে যার উৎপত্তি আঁধারেই তার লয় ।
সমুদ্রতরঙ্গের সমুদ্রে উৎপত্তি, সমুদ্রেই লয় ।—চারিদিকে সূচীভেদ
অন্ধকার, তাহাতে সে জ্যোতিঃ, মেঘের ভিতর বিদ্যৎ । এই
তাঁহার স্মরণ, এই নির্ঝাণ !—যেখানে দিন ছিল না, ছিল কেবল
রাত্রি, অনন্ত রাত্রি, ঘোর তমিস্রা, সেখানে সে বিদ্যৎচমক !
বিদ্যতের মত ক্ষণিক, কিন্তু আগুনের বলকা, ক্ষুদ্র হইলেও বহ্নি-
বিকাশ । অগ্নিময়, অগ্নিস্থলিঙ্গও অগ্নিময়, উভয়ই অগ্নি ।
যেমন এক জলেরই বাষ্পতরঙ্গাদি রূপ, এক মৃভিকারই ঘটকুস্তাদি
রূপ, এক স্বর্ণেরই কুণ্ডলমালাদি রূপ, এক তন্তুরই বস্ত্রোত্তরীয়
প্রভৃতি রূপ, তেমনি এক বিশাল সত্ত্বেরই দেবীদাস—বেণী রায়
প্রভৃতি রূপ ।—অগ্নিহোত্রী তুমি, অগ্নি রক্ষা করিয়া গিয়াছ, তোমার

বেণী রায় !

আহুতি ধূমের আকারে মহাশূন্তে উঠিয়া মেঘরূপে বহুকরাকে
শস্ত্রশ্যামলা করিবে। যাও, তোমার সময় হইয়াছে, তুমি যাও !
ছঃখ নাই। যুগধর্ম্মে তাহার বিকাশ, যুগধর্ম্মেই তাহার লয়। ইহাই
সনাতন ধারা। বরেন্দ্রভূমি পাঠানদিগের নির্যাতনে যখন কাতর
হইয়াছিল তখন তুমি আসিয়াছিলে। তাহারা কালপ্রভাবে চলিয়া
গিয়াছে, তুমিও গেলে। রহিল স্মৃতি। যেখানে আলো নাই, সেখানে
আলোর স্মৃতিই প্রধান সম্বল।—যাও তবে বেণী রায়, অনন্তের
যাত্রী তুমি, অনন্তের সন্ধানে যাও। আমি পাগল, গাহিয়া যাই।”
এই বলিয়া খ্যাপা সাধু গায়িতে লাগিলেন,

“নিবিড় আঁধারে মা, চমকে ও রূপরাশি,

তাই যোগী ধ্যান ধরে হ’রে গিরিগুহাবাসা !”

সাধকের সঙ্গীত শুনিয়া বেণী রায় অশ্রুমোচন করিলেন।
তার পর সহসা কোথায় অদৃশ্য হইলেন। এই ঘটনার পর তাঁহার
সহিত আর কাহারও সাক্ষাৎ হয় নাই।

সমাপ্ত।

পর্যন্ত অবহেলায় উপেক্ষা করিয়া নিজের ধর্মের জন্ত অটলভাবে উন্নত মস্তকে বাড়াইতেন, যখন নিম্নশ্রেণীস্থ সামান্য ছুতা প্রভুপুত্রের প্রাণরক্ষার জন্ত নিজ পুত্রের প্রাণবলি দিতেও ইতস্ততঃ করিত না, যখন পতিব্রতার আদর্শস্থানীয়া বাঙালী রমণী যবনীপ্রণয়মুগ্ধ বিধর্মী স্বামীর কল্যাণের জন্তও সকল দুঃখ, সকল বিপদ, সকল নির্যাতন অকাতরে সহ্য করিতেন, যখন জীবনকে তুচ্ছ করিয়া মানের জন্ত বাঙালী বীর জলে স্থলে অসিহস্তে অনন্তশয্যায় শয়ন করিতে ভীত হইত না, যখন অনশনক্লিষ্ট প্রজার জন্ত জমিদার সর্বস্ব বিসর্জন দিয়া, অভিভাবকের কর্তব্যপালন করিতেন, যখন বুদ্ধিকৌশলে, চতুরতায়, রাজনীতির জ্ঞানে বাঙালী কন্সচারী জগতের বিস্ময়স্থল ছিল, যখন বাঙালীর হস্তে সুদৃঢ় শত্রুবিমর্দন “লাঠি”, মনে ক্ষুরধার বুদ্ধি, হৃদয়ে ভগবৎপ্রেমের পুণ্যপ্রস্রবণ, সেই সময়ের পুণ্য কাহিনীতে “দেবীদাস” পরিপূর্ণ !

“দেবীদাসে”—“দেবীদাসের” মত ধর্মনিষ্ঠ প্রজাপালক আদর্শ জমিদারের, “উমার” মত পতিগতপ্রাণা প্রেমপীযুষময়ী দেবী-প্রতিনার, “নারায়ণীর” মত ভগবৎপরায়ণা নাট্যমূর্তির, “তারার” মত বুদ্ধিমতী প্রেমময়ী—তেজোময়ী প্রকৃত “সহধর্মিণীর”, “মাধব দত্তের” মত বিচিত্র বুদ্ধিশালী অক্লান্তকর্মা কর্তব্যপরায়ণ কন্সচারীর, “ভোলানাথের” মত প্রভুগতপ্রাণ ত্যাগশীল আদর্শ ভৃত্যের, “স্বামী দয়ানন্দের” মত ব্রহ্মনিষ্ঠ, পরোপকারী, কন্সনিষ্ঠ লোকশিক্ষকের, “করিম” ও “সদানন্দ গোস্বামী”র মত প্রেমবিহ্বল ভগবদ্ভক্তের স্মনহান্ চিত্র দেখিতে দেখিতে বার বার অশ্রুপূর্ণ-নেত্রে বলিতে ইচ্ছা করে, হায় কি পাপে বাঙালী নহত্বের এমন অতুলস্বর্গ হইতে নীচতা, স্বার্থপরতা, ভীকৃতার এমন অন্ধ নরকে অধঃপতিত হইল !

অবশ্য গ্রন্থকার গ্রন্থমধ্যে এ প্রশ্নের উত্তর দিতে ক্রটি করেন নাই। গ্রন্থকার দেখাইয়াছেন, যে দেশে “দেবীদাস” জন্মিয়াছিলেন, সেই দেশেই স্বদেশদ্রোহী, স্বধর্মবিদ্বেষী, আত্মসুখসর্বস্ব—“ইসমাইলখাঁ”ও জন্মিয়াছিল, যে দেশে নিঃস্বার্থপরতার প্রতিমূর্তি “ভোলা নাপিত” জন্মিয়াছিল, সেই দেশেই স্বজাতিদ্রোহী স্বার্থপর পাপাত্মা “অম্বিকা চরণের”ও অভাব হয় নাই।

“দেবীদাস” পড়িতে পড়িতে বাঙালীর হতাশমগ্ন অবসন্ন হৃদয়ও ক্ষণেকের জন্য বাঙালীর প্রাচীন গৌরব, মহিমা, বীৰ্য্য, তেজস্বিতা ও ধর্মনিষ্ঠার অপূর্ব চিত্র দেখিতে দেখিতে আশায় ও আনন্দে স্ফীত হইয়া উঠে। ননে হয় বাঙালী চিরদিন হীন ছিল না—হীনতা তাহার অপরিবর্তনীয় নিয়তি নহে।

“দেবীদাস” সম্পূর্ণ কাল্পনিক ঘটনার উপর প্রতিষ্ঠিত নহে। ইহার সহিত ঐতিহাসিক সত্য বিজড়িত। পশ্চিম বঙ্গ স্বেচ্ছ পদানত হইবার পরেও বরেন্দ্রভূমি বহুদিন আপনার স্বাভাব্য রক্ষা করিয়াছিল। “এক টাকিয়ার” জমিদারেরা, রাজা সীতারাম, রাজা কেদার রায়, রাজা দেবীদাস তাহার উদাহরণ। পুস্তকের মুদ্রাক্ষন সুন্দর, ভাষা বিশুদ্ধ স্মৃষ্টি আবেগময়ী, বর্ণনা মনোহর। গ্রন্থের সর্বত্র প্রবাহিত স্বদেশ প্রীতির অমৃতধারাম্পর্শে সমস্ত গ্রন্থ পবিত্রীকৃত। নানা বিচিত্র ঘটনার নিপুণ সমাবেশে গ্রন্থখানি এমন চিত্তকর্ষক যে একবার ইহা পাঠ করিতে আরম্ভ করিলে, পুস্তক সমাপ্ত হইবার পূর্বে ক্ষান্ত হওয়া দুঃস্বপ্ন।” বঙ্গদর্শন, কার্তিক, ১৩১৯।

